

NÚM. 17

1-3-23

nós.

4500



**BOLETIN MENSUAL DA CULTURA
LEGA, ÓRGAO DA SOCIEDADE "NÓS,"**

Direitor,
Vicente Risco

Direitor artístico,
Alfonso R. Castelao

Segredario da Redaución,
Xulio Gallego

Xerente,
Arturo Noguerol

Redactor Xefe,
Xavier Prado (*Lameiro*)

Sub-Xerente,
Alfonso V. Monxardín

Redautores:
Ramón Cabanillas, Antón Lousada Diégues, Ramón Otero Pedrayo,
Florentino L. Cuevillas, Leuter González Salgado.

Colaboradores:

Teixeira de Pascoaes, Johan V. Viiqueira, Philéas Lebesgue, Antón Villar Ponte, Wenceslao Fernández Flórez, Xaime Quintanilla, Antón Noriega Varela, Gonzalo L. Abente, Manoel Banet Fontenla, Lois Peña Novo, Eladio Rodríguez González, Marqués de Figueroa, Antón Palacios, Leonardo Coimbra, Amador Villar, Alvaro Cebreiro, Alexandre de Córdova, Xulio A. Cuevillas, Victoriano Taibo, Xulio Prieto, Farruco Lamas Euxenio Montes, Fernández Mazas, Souza Aguiar, Cunha Barros, Xan Aznar Ponte, F. Bouza Brey, Lois Huici, Ramón Villar Ponte, Handicap, Roberto Blanco Torres, Primitivo R. Sanjurjo, Xosé Viso (*Goal*), Francisca Herrera Garrido, Hernani Cidade, Camilo Díaz, Manoel M. Risco, Francisco Luis Bernárdez, etc.

DIREICIÓN E REDAUCIÓN:

Plaza do Ferro, 6

ADEMINISTRACIÓN:

Padre Feixón, 12

ABONAMENTO

<i>Doce números, na Península</i>	6 ptas.
<i>Na Arxentina</i>	6 pesos
<i>En Cuba</i>	3 dolars
<i>Números atrasados</i> 3 ptas. <i>Número sólito</i> 1 pta.	

Iste boletín non publica mais crónicas que as que foran directamente solicitadas pola Dirección. — Tampoco se fai solidario das ideas n-elas emitidas, non sendo éas que por nos mesmos rubricadas, entendentes que son da Redaución.

S U M A R I O

- O noso Arcebispo galego.*
En col da lingua, por MANOEL PORTELA BA-
LLADARES.
A cantiga do fento, por A. VILLAR PONTE.
O Teósofo alemán Rudolf Steiner, por VI-
CENTE RISCO.

- Cruceiros, grabado de CASTELAO,*
En col da chuvia, por EDUARDO DE ONTANÓN.
Selección arqueolóxica, por F. BOUZA BREY.
Archivo filolóxico e etnográfico de Galiza.
Os homes, os feitos, as verbas, pola REDAU-
CIÓN.

SERANTES E COMPAÑÍA

FARIÑAS E COLONIÁS

Ponte Mayor y Ourense

XULIO GARCÍA PÉREZ

MÉDECO CIRUXANO

Goberna toda clás de ósos partidos e desgovernados e fai operacions quirúrxicas

VOTA O "RAYO X."

TELÉFONO 324

¡Patriotas galegos!

**PEDIDE O VIÑO TOSTADO
LÓPEZ VALEIRAS**

SANATORIO QUIRÚRXICO D' OURENSE

Dirixido por DON MANOEL POB. PIÑEIRO

CO'A COPERANZA DOS DOUTORES

Don Francisco José Rionegro ::: Don Manoel Bouzo Fernández

Iste establecemento está situado na carretera da Lonia, e conta con un completo gabinete de RAYOS X.

LÓPEZ E RUIZ

Telegramas e telefonemas

LÓPEZ RUIZ

Codes: A. B. C. 5.^a edición

TELÉFONO 198

Avenida de Buenos Aires, 31

(ó lado do Asilo de Ancianos desamparados)

OURENSE

Postes e travessas
pra camiños de
ferro. Serrería
mecánica e fabri-
cación de toda
clás de caixeria.

Depósito de ma-
deiras de todas
clases pra cons-
trucción e carpin-
tería en xeneral.



MAR CAS DA CASA

Tintos:

Riveiro MEDOC

Fino de mesa VIEJO

Clarete PEARES

Blancos:

TOPACIO

Especial para ma-
riscos.

Tostado del Rivero

As persoas de bon gusto e que se precian de patriotas,
prefieren o

CHAMPAN "GALICIA",

por ser tan bon como o millor
extranxeiro, e ser ESPAÑOL



BOLETIN MENSUAL DA CULTURA GALEGA, ORGÃO
DA SOCIEDADE "NOS,"

Ano IV

Ourense 1. de Marzo de 1923

Nº 17

O NOVO ARCEBISPO GALEGO



Dempois de mais d'un século en que ningún galego rexiu a gloriosa Eirexa Compostelán, co-a mais grande ledicia vemos hoxe nomeado pro-o mais outo posto relixioso de Galiza ó siñor Manoel Gonzales Lago, Bispo de Tuy, galego de nacemento e de curazón, grande teólogo e filólogo, sentido poeta galego, e de tantas virtudes como cencia: un verdadeiro prestixio da Eirexa e da Nosa Terra.

Creemos con toda fé que este feito significativo marca un novo tempo y-un froitoso camiño pr-á vida relixiosa y-espiritual de Galiza. NOS leva ó Dr. Gonzales Lago a mais forte noraboa chea de quentura e de fondas esperanzas.



EN COL DA LINGOA GALEGA

Sr. D. VICENTE RISCO.

Moi querido amigo: A sua carta, tan chea d'azos e d'espranzas, que tantas ideas remexe, lévame, case que contra a miña vontade, a propoile se sería ben que a resposta sexa publicada, non pol-o interés que haxa no que eu diga, sinón porque, o sair á luz estas cuestiós pode dar motivo á que outros falen, e a que todos poñan un pouco do celme do seu pensamento encol do fondo da vida nosa: a d'oxe e a de mañán.

E pouco importa que por érro en min ou nos alleos, veñan duros ataques con motivo do que escriba. Os galegos, arastora, hemos pronunciar unha só verba: «Adiante», sin medo as calidas morais ou físicas, e sin gardar aquelas precauciós de defensa da individualidade que son o valor principal da raza, pro que, eisaxe-radas cós tempos de persecuciós, deviñeno a causa dos mals que padecemos.

Lémbrame, coma un deses grandes recordos que quedan alumando o pasado e o porvir, aquel ataque súbito, formidabel, dos xaponeses no estreito de Sushima á escadra rusa, sen mirar ás perdas, sen ollar atrás, desfacendo canto houbera que desfacer pra conqueril-a victoria. «Ei van os nosos barcos e as nosas vidas!, foi o seu berro de combate. E o xenio da vida moderna, toda decisión e enerxía, brilou coma hastra entoncés endexamais brillara pra dar entrada a un gran pobo na dianteira do mundo.

Asi temos que loitar nosoutros pol-a nosa Galiza: ollando mais a resolución própea que ao que fora de nós haixa:

Mais, de certo, pódese recoller en toda a rexión un gran conforto e unha imensa fé pra o porvir. Se sentimos desazós, se nos apouigan os ventos negros en demasia, voltémol-a mirada atrás e, contemprando o lavouro xa feito, non poden mancarnol-as forzas pra rematar de rubil-a costa.

Os millores días que se poden acordar son istes de loita e creación, cando os peitos s'abren

cubizosos pra recibir-a semente, cando se goza ise instante supremo de sentir-a xeneración e o espandimento dun pobo, e, en todol-os cantos, latexar as vibraciós da nova vida.

Pra min, e coido que tamén pra vostede, na cultura encérrase a cifra da nosa persoalidade, da nosa nazionalidade: N'ela está tamén a millor raíz e a mais outa aspiración do mañán que arelamos.

E sendo isto así, coma na nosa escola non está o soltar verbas pra que livianamente voen levadas pol-o valor eufónico, e coma na nosa construción queremos proceder honesta e solidamente, será ben que nos deteñamos a fixar o alcance que damos á voz cultura.

Pra todos os que a empregan hai n'ela o significado de saber, de conocimento, de civilización.

A «Kulturkampf» que a vulgarizou, quería decir eso mesmo: loita pol-a civilización.

Logo percisouse o seu senso por predominio da sua etimoloxía latina, *cultum*: cultivar, traballal-a terra. O feito mais decisivo pra humanidade, o aproveitál-o campo participando na produción o lavouro do home, iso que na cencia social sirve pra dividir os pobos fundamentalmente en pastores e en agricultores, e pra explicar as curvas da sua estoria, ten unha penetración e unha expresión no vocablo cultura.

O cultivo agricola equival á previsión, á pór sacrificios no día d'oxe pra obter as ventaxas ao chegal-a colleita; equival á método no traballo e có método á subordinación a unha disciplina; significa afacerse a contar coas propias forzas e a mirar a terra en vez de mirar ao ceo.

E, naturalmente, formado así o espírito, ha d'aplicar as mesmas concepcións e as mesmas ideas á todol-os ordes da vida.

Pór outra banda coma os nosos valores espirituais e materiais están depositados no agro e ali foron nados, a dicción «cultura galega» é a que millor pode expresal-os.

O granito, ese pai da nosa terra, tiña que

nos dar unha orografía diferente dos países dos mares desecados, e convertir as encinas apretadas d'álá nos carballos seivosos, adoitando a fauna e a flora toda, ao apousentarse eiqui, outras formas e outros xeitos; os vendavals que chegan dende América ás nosas costas, habíannos de traguer a abundanza d'aguas propeas dos países atlánticos; a Gulf Stream habíanos de donar a suavidade de clima que fixo do Noroeste da Europa o berce da civilización qu'oxe manda; e aqueles Celtas de que fala Strabón, que vivian en aldeas e que pusian endenantes de ser dominados, as mesmas costumes doces e disciplinadas dos turdetanos en prena civilización romana, haberían de crear sempre unha modalidade racial, enriquecido logo o seu sangue coas inmigracións nórdicas que hasta nós chegano, unhas veces pol-o camiño de Santiago en son de paz, e outras en desembarcos violentos de normandos e saxóns.

E todo isto, que foi deixando cair en séculos, en milieiros d'anos a sua influencia, foi modelando a nosa alma e o noso pensamento, foi depositando no pobo, ideas que, por estaren asentadas moi fondo, son o sostén da vida inteira e nunca se poderán arrincar, e así chegamos a ter unha «formación social» prótea, agrícola, oposta á formación mediterránea que domina na península.

E así temo-lo herdo esgrevio que nos dona ternura, saudade, amor ao que vive, senso d'humanidade, nos corazóns; e o espírito de síntesis, o bucear no fondo das cousas, o esoterismo, o mirar ao corazón da vida, coma timbre das nossas ideas.

E así en frente do comunismo ibérico, formalista que acentuou a invasión árabe-berebere, e do predominio pastoril que subsiste nos castelanos, afirmamos nós o espírito individualista, que ama a terra, que quer estar preto dela, que busca unha casa isolada e nuns matos ao seu redor unhas condicións da vida, probe, cecais, pro escrusivas, pra se fixar ao terreo e pra sentir o preno conceuto da propiedade romana, fiando cada un a si mesmo o éxito da sua loita pol-a existencia.

Ise deixar caillós braços e ollar pra o Estado, esperando del toda melición de que a vil-a milloria, e, ao mesmo tempo, estar en constante indisciplina, vicios que se din da constitución so-

cial hispana, son simplementes condicións naturais da maior parte da vida da península. Son a herencia, o crima, a terra as que ali as imponen.

No libro, que acaba d'imprentarse «Apuntes para la historia de la formación social de los españoles», de Félix López Montenegro, pónense ao descoberto c'unha solidez de xuicio c'unha profundidade de conocimentos a que n'estamos acostumados, as características do iberismo. Lástima só que o autor non esté egoalmente documentado ao falar das formacións célticas. A descripción da vida d'álá, no pasado e no presente, é perfeita, e quen-o lea conociendo á Galiza, trazará de seu unha divisoria mais erguida que a que poden faguel as montañas, ante aquel mundo e o noso mundo.

Falar destas diferencias cando non teñen detrás fondura, cando n'elas hai somentes afán d'exaltación local, é caer no cabilismo e obedecer, sen saberlo, ás influencias iberistas: si existen verdadeiramente, se teñen raíces, entónces hai que admetel-o feito e seguir adiante con todas as consecuencias.

Por iso, sendo tan fundamental o tema pra decidil-los vieiros de Galiza anque m'alonxe un instante da finalidade desta carta, vou a traguer dous documentos, saídos da mesma man, de persoa que ten calidade completa pra xusgarlos, por ser alleo, e pol-a merecida gloria qu'acompañía o seu nome.

O primeiro di así:

«Creo que a caballería hispana desconoce a disciplina.—Está ben equipada e admiravelmente montada; pero non teño noticia de que nunca se conduxera frente ao enemigo como fan os bos soldados».

«Pol-o tocante a infantería dá lástima decir todo o mala que é. Non é posibel contar con esa tropa pra ningunha operación. Eu sempre a vin conducirse detestavelmente. O corpo de Bassecourt afamado coma o mais sobresaente do exército de Cuesta, en todo un día non pudo vencel-a resistencia dun só batallón francés».

«Cerca de dous mil homes fuxiron na noite do 27 achándose a douscientos metros de mi, sen que ninguén os acometese, e asustados non más do seus propeos tiros, deixando as armas e o equipo».

«A culpa de todo isto e a irregularidade con que se fai todo é a ausencia de disciplina e subordinación».

«Non sento a mais pequena incrinación a operar xunto co esa tropa».

Quen firma isto é Wellington, «The Iron Duke» e refírese a batalla de Talavera.

Esquezamol-a calidade da valentia, porque a ninguen gusta que se lle negue, e porque Zaragoza e Gerona son gror as ljmpas e verdadeiras n'este orde. Recollamos, si, que na aquela batalla os hespañols non tiveron a forteza d'animo necesaria pra servir unha causa, aquel espírito de solidariedade que Homero gaba nos gregos dicendo que «arelaban sempre prestarse mútua axuda», e que se traduce simplemente na disciplina.

Isto é o que afastaba a un celta como Wellington daqueles hespañoles.

E isto é o que levou á escribil-a su célebre proclama (o segundo documento que ven a compretar o anterior):

«Soldados do mundo civilizado: Aprendede heroísmo daqueles que pol-a miña boa fortuna levi ao combate. Cada un meresce més que eu, tel-o mando que tiven... Esforzádevos sempre por imitar aos inimitables galegos. Que hastra o cabô do mundo sexa recordada a sua intrepidez, porque endexamais foi sobrepasada».

Non fan falla comentos, nin sequera remarcar que aquela batalla de Talavera que tan severos xuicios meresce á mais grande autoridade pra falar dela, da nome a un dos nosos reximentiños.

O que importa é deixar ben sentado, que n'este aspeito da vida, ao pelear, coma ao traballar, coma ao discurrir e ao sentir, vamo nós en dirección diferente, oposta ao que se chama espírito hespañol.

E someter ou siquera contrariar a alma galega nas suas naturals espansións, facéndo-a camiñar a un compás, e marchar detrás d'un pensamento que non é o seu, é críme diante da humanidade e diante da Terra, porque somentes dentro do seu marco acadarán o pleno rendimento os nosos valores morais e intelectuais, e porque, fillos d'unha étnica europea, podemos ser nós o vieiro normal da civilización san pra a Península, como xa o fomos ao comprimirse o milenario.

Ehi é nada o poder vivir a civilización oucidental, sin ter que traducil-a, e sin leval-a roupa de préstamo!

A nosa obriga consiste en robustecer cada vez mais esta cultura racial e en sobreporlle aqueles conocementos de erudición, de técnica, que demanda o tempo, que son a moeda que corre no dia, tan indispensabel aos homes com'as colectividades pra non ficaren coma pedras do camiño.

Non vou, emporiso, a afirmar que haxamos de adicarnos escrusivamente a faguer cultura; acarón d'ela ha de ir a acción politeca, pra axudal-a, pra fortalecel-a, pra resolvell-los problemas do dia pra dar a terra e aos homes as liberdades que lles mancan, pra chegar a aquel progreso e a aquela riqueza material que, por lei infreisibel, ha de acompañal-as froracioneas ideolóxicas.

Nunha verba: a acción politeca, o aitivismo galeguista é necesario pra que a nosa terra teña, a xusticia que por séculos lle foi negada, e, a mais, é o modo e o procedimento pra dar vida a nosa cultura.

Agora ben, unha cultura particular necesita tamén medios particulares pra se manifestar. O instrumento que é doado pra traducir un mundo intelectual, carece de condicíos pra refrexar as modalidades d'outro. Velei por qué a cultura ten como índice d'expresión o idioma.

E en col da lingua, hai unha meditación que faguer, impõense a todos nós un dia de recollimento, para trazar ben as orientaciós que debemos seguir. Repare vostede que non fallo de fixar canon ao idioma sinón sómentes das direxitivas, da incrinación que se lle deba donar.

Despois de séculos ermos e inacababels de asoballamento material e espiritual pra a Galiza, xurde cunha forza que s'aprecia millor desde fora que desde dentro dela, o traballo aceso de febre de restituir e compretar a nosa lingua. Qué resultados admirables obtiveno vostedes! Qué de riquezas descubrindo e puxeno en circulación! Qué fartura de léxico e de xiros! Qué expresión, qué sincelismo alcanzao! A ninguen de cantos escribino en galego nestes tempos, escruelo deste tributo d'aprauso e de xusticia, pois en todos s'atopa o mesmo fervor costrutivo, a mesma santa arela de donar o millor e o mais gardado da sua alma á lingua nai. Alguns no-

mes —non fai falla estampalos— que oxe son ilustres, mañan pronunciaranse con reverencias saídas do corazón.

E non hai que s'apesarar dos defeitos, dos errores, dos atrevimentos, dos excesos d'imagination que decote pode xusgarse que aparecen. Pol-o contrario, eu hasta chegaría a bendecilos, porque siñifican as probas e os tanteos necesarios pra o acerto, porque ofrecen a abundante materia que é indispensabel pra que se verifique a selección, que virá a leixar, á derradeira, vivendo mais os acertos e os progresos. Así, a tentas, procedeu tamen a Natureza, e co esta lei mesma sigue adiante na sua marcha de renovación e perfeicionamento.

Dous elementos servirán principalmente de canteira, pol-o d'agora, para que esta magna labor de rexurdimento da lingua galega. O pobo, que pon nas suas verbas o seu espírito, e co seo folk-lore inagotabel, e os gloriosos momentos da nosa antiga literatura, reveladora dun adianto e dunha civilización que ningún romance n'aqueles tempos acadaba. A un e mais a outro — todos estamos acordes nisto — hemos tornar sempre os ollos como fontes de luz, como degarados tesouros que nin s'esquecen nin é posibel s'arredar d'eles.

E abofé que pasarán tempos endenantes que s'arremate á esprotación da fortuna que encerrán.

Mais a sabencia do pobo —e ninguén escenderá a minha admiración pol-a excepcional calidade psicolóxica que levan dentro os nosos aldeans— é un punto de partida, é un xermolo que ha de dal-a grande coleita de que é capás, mediante o traballo intelectual, coa axuda dos conocimentos superiores e da instrucción do noso tempo.

Sería ausurda a pretensión de detel-a cultura da Galiza nos lindelos que ten oxe pra os nosos vales e montañas; e ninguén tampouco pode pensar cordamente que haixamos de nos conformar coas comunicacions intelectuais que s'amostran na *Crónica Troyana*.

A lingua non pode sel-a mesma pra falar de chouza a chouza, que pra falar de libro a libro. Pra nós, pra os que ben ou mal escribimos, pra cantos lemos, non abondan as expresions cheas de força e de crara beleza do *sermo vulgaris*; e, digamolo ou non, sentimos a percisión de so-

breporile o xeito erudito, pra que as complicaciones e os avances do noso pensamento poidan con facilidade ser retratados na verba. Este problema fundamental do noso idioma pode, ao meu aviso, plantearse así: Ou a lingua galega a ser só lingua insuperable de sentimento, de descripción, de poesía, de relación familiar, e entonces ten dentro de si xa elementos abondo; ou ha ser a más d'esto, lingua que poida encerrar toda a cultura, non so a racial sinón a de instrucción e cencia, toda a civilización da época nosa, e entonces hal que lle faguer dar ese paso pra un plan superior, que hasta agora non poido dar, por habel-a tido abafada ao marxe da vida intelectual, un bárbaro réxime político.

Encol do que temos, ispirándonos sempre no existente, gardando a esencia e o carauter do santo legado dos vellos, hemos de faguer o vehículo d'expresión do total pensamento galego, hemos d'abril-a rosa qu'arrecende as farturas da nosa alma, hemos de creal-a nova lingua que traduza as lucubracións mais escondidas do espírito coa mesma espontaneidade e lumiosidade con que oxe sé din os matices plástico e sentimental.

Ao referirme ao futuro cometoo unha impropiedad: esa labor de creación estase facendo xa, e o boletín «NÓS» e todalas obras culturales fámos andar cada dia un bó bocado d'este camiño.

Unha vez mais a función virá a formal-o órgano; e cada libro d'espéculation e de cencia que saia en galego, será un bloque que se poña pra o futuro idioma. A tradución da Biblia por Lutero abriu as portas, abondeou, ao idioma alemán, pra deixal-a categoría de lingua popular e pra servir d'instrumento ás concepcións de Hegel e de Kant. Non sei si a nosoutros, nos farán falla dez libros ou un cento pra arribar ao mesmo resultado; o que sei é que han de aparecer —e moi logo— cantos sexan percisos pra pol-o cumio á nosa lingua.

E mentras tanto sigamos traballando a horta da casa con cuido amoroso e rebuscando ben as riquezas que encerra; mais ollemos tamén fora, abrangüemos canto de bó anda pol-o mundo, collámos a boa semente onde quer qu'ella aparezca, e no nos deixemos invadir d'un exceso de crasicismo que sería imobilidade, que sería outro asoballamento, desde dentro, pra o idioma galego.

As autoridades nas lingoaxes, formanse pol-o voto do pobo que non se pode falsexar nin substituir, que anima coas suas aprobacíós ou afoga coas suas repulsas os intentos dos esproradores, destinadas coma as tropas de choque, á groria ou a morte, pero indispensables sempre pra ganar unha empresa.

E nosoutros, a falla dunha abundante produción literaria (refírome á prosa que marca a outura dos idiomas) non podemos pol-o doxe e por fortuna pra nós, falar d'autoridades sobre os que se haxa pronunciado a vontade popular.

E cantas veces o sufraxio dunha época ha ser cambeado pol-os que veñen despois!

O castelán viveu apouvigado pol-o Quixate, cuia prosa, acrisolando un defeito nazonal, foi sin dúbida un dos autores da falsedad da vida das mesetas. N'este libro famoso díse o contrassenso dun fondo rexamente realista —modalidade do autor ben apreciada nas traducíós— dentro d'unha forma do mais sonoro laton-infruxo do medio. Todos apréndemos: «Apenas había el rubicundo Apolo tendido por la faz de la ancha y espaciosa tierra las doradas hebras de sus hermosos cabellos...» e esta tirada co engado dos seus resoantes adxetivos, marcou por muito tempo o ritmo das composicions literarias.

C'os compoñentes do galego actual, c'o noso diccionario —a coleita da Academia merece galanzas que n'atengueron outras soadas corporacíós somellantes— podese faguer unha lingoa que non sexa superada por outra algúnhia si obtemos aquela adaptación que reclama o tempo, que teña toda a grandeza en extensión e en profundidade que corresponde a visión da Galiza de mañan.

Cara onde temos d'ir a buscalá? Qué influencias debemos d'admitir?

Eu proscibiría todolos escrusivismos. Entre nós, os elementos autotonos son tan acusados e tan rexos, e o movemento inicial sai tan de dentro, que n'hai perigo dunha deformación polos alóxenos. As lingoas latinas e as lingoas de supervivencias célticas, todas elas, poden ensinarnos algo.

Pero sobre todo temos unha lingoa irmán

respecto da que sería necesario un cego impulso d'arredamento pra que no nos acharamos mais tarde ou mais cedo dentro da mais estreita colaboración.

Pol-a gravitación inevitabel dun pasado glorioso, por desbordantes semellanzas que son casi que sempre ao estudialas identitás, pol-a contestura interna que non acerta a diferenciar-se sinón pol-accentuación do matiz, e, porque anque no nos entendéramos nas verbas, comprenderiamos sempre escoitando o propio peito, n'haberá quen teña á potestade d'impedir que por cima de todas as fronteiras s'abracen a lingoa galega e a lingoa portuguesa.

Detrás dos idiomas, e acendendo as suas arelas de conxugación, e c'o mesmo amoroso desexo de fusión espiritual, están todalas cándencias da alma, as ideas nais, os batidos da sensibilidade, os sonos eneboados do porvir, a saudade da raza. ¡Centos de anos facendo camiños d'afastamento pra toparse mais perto que nunca uns dos outros!

Temos que rubir ás fontes do Miño, ese río que sai do corazón da nosa terra pra leval a unha fecundidade por egoal ás duas riveiras, e descer co el en afan de comunidade que pase do sentimento ao cerebro, e que corrixa os errores do pasado.

E así nosoutros acharemos d'un lado unha grande facilidade na resolución de moitos problemas lingüísticos, e do outro unha enorme posibilidade de difusión que é a mellor recompensa que se pode dar aos frutos do espírito. As ideas teñen un valer en profundidade e outro valer no número de xentes que poden dirlas quentura,

Considere vostede que somos trinta millons os que podemos entendernos co mesmo idioma.

E alá abajo nosoutros levaremos un pouco da dureza, do ferro que fai falla na vida tamen, e un pouco da san e baruda sinxelidade que por vivir no agro conserva a lingoa galega.

E ei queda agora o problema sobre das taboas da mesa.

Con fonda amistade é sempre de vostede

MANOEL PORTELA VALLADARES.



A CANTIGA DO FENTO

Pra VICENTE RISCO, auscultador da Terra



coroa a volvoretá marela dos seus pétalos.

É planta homilde o toxo: pro ofércese coma unha xurdia folerpada d'ouro vello encol das ponias espiñentas.

É planta homilde o milicreque —que n'algures chaman abrula—, pro a bulsa nazarena das suas corolas, trunfa diante dos ollos.

É planta homilde a mapola: pro a mapola antre a grade mesta das searas, no cáerce avaladore dos trigaes e os centeios, trainos lembranza de sangue puro.

É homildes son tamén os pampillos, lembradores de soles pequerrechos, e as magarzas que branqueian no verde dos ribazos e as congostras, someillando, ollados dende lonxe, foulá de muíño espallada pol-o vento, e as madresilvas de cáliz de marfín arrecendente que logo troca a maturidade en groulos bermellos coma beizos de nenos sáns, e as silveiras e as malvas e as

planta homilde a queiroga: pro a queiroga ten o engado da froliña feituca, coor da púrpura esvaida.

É planta homilde a xesta: pro leva coma coroa a volvoretá marela dos seus pétalos.

celedonias e os campelos e as hedras e os nixaros e os careixóns e o romeiro e o fiuncho e a espadana e o viaiteiro...

Pro a homildanza d'istas plantas da nosa terra —plantas de val e de montaña, irmás das cantigas e dos ataruxos aldeáns— coma a homildanza do piñeiro, proletario da familia arbórea, non esmorece no esquecemento. Son un ben dicire dos ollos e nunca, en ningures, deixaron de ter agarimadores... ¡A cantalas os poetas, a bicalas os paxaros, a chuchalas as abeillas e as volvoretas, a catalas os nenos, a pillañas as mocíñas!... Cando pol-a sua bonitura, cando pol-a sua utilidade, sempre atopan quen as loumiñe.

Ora os piñeiros ergueitos e barudos —d'almiña de sol, que xorra en adoads d'ámbar pol-as fendas da códia ¡madrigal d'amore nos beizos d'un ermidaño!—, os piñeiros lanzaes, lexionarios perennes dos exércitos arbóreos da nosa terra, que somellan camiñar sempre pol-as valgadas e os cómaros n'un desfile sin termo e rubir pol-as ladeiras dos montes cara ós cumios amigos dos corvos e as brétemas, onde andan a destacaren o mesmo que fasquias de centinelas devanceiros en asexo, saben abondo da planta mais homilde, que é raiña da homildanza... ¡O fento! —que tamén n'algures chaman fieito e felgo.... ¡O fento, adovio das terras probes, das gánadas

ras húmedas e predeiras e dos ermos lidoiros, lambidos pol-o corisco!

Ali ond'as froles non queren xurdire, nin a herba mol verdeceré vizosa, nin as arbres eréurense, o fento mostra resñiado coma un probe mendigo de bó curazón, a sorrisa das suas follas cheias de dentes, pra consolo e galá do irto.

O doce Francisco d'Asís, que andivo a buscal-a irmandade de todo o homilde e sinxelo nos seus degoiros d'amore místico e panteista —a miudiña formiga parecialle grande e a modesta violeta fachendosa—, non soubo, endemal, da planta mais homilde e sofrida da nosa terra.

¡Ou, irman fentol! ¡Único encantamento dos ollos n'aqueles logares galegos onde sin os teus follatos aspros todo tería de ser murcho, ispido, enxoito ou enlameirado coma nas terras maldecidas!... Nota grave e fonda na verdecente sinfonía da paisaxe, sintónica co'a axuda da arume do piñeiro lanza!... ¡Deica a volvereta inqueda, frol sin tallo, ceiba pol-o ar, que anda a empastare consolo súpeto a tantas plantas criptógamás, saudosas de belos pétalos, receia de se poupar encol de ti! E nin te aloumíñan co'as suas aas os paxaros, nin te chucha a avella arelosa de meluras, nin te bica a cabra choutadora, nin a vaca de pasenijo avalo acaróache os beizos, nin te apañan as mozas pr'o seu adovio, nin te pillan os nenos pr'o seus xogos... ¡Nin xiquer a araña lle serves de penduradoiro pr'o sios de prata da sua tea velaiña, que somellan fendiduras sotis causadas por un cotelazo súpeto no cristal do ar!...

E, con todo, oférceles o teu franciscano

agarimo ás terras irtas e esquencidas, manseliño tal que un santo... E bical-os pes dos nenos que te tripan, ó longo das curripas da montaña, sin ferilos con rabuños asañadores, coma outras plantas mais fachendosas, inda sintindote desprezado, porque sabes que esos nenos, esos probes neniños da aldeia botados ó traballo dend'a infancia pra gañaren a dura codia de broa espositos a todolos rigores da invernía —choivas, ventos, sarabias, folerpas, xiadas e orballeiras— áchanse fallos d'aloumiños e orfos d'amores, com'a ti.

¡Irmán fentol! ¡Consolo e adovio das terras probes, cariciadore das ispidas carnes dos neniños aldeans, que voltan ben por mal coma o doce Xesús! ¡Irmán fento, de quen fuxen deixa as nésporas e de quen niguén se lembra nin na noite de San Xoan —na bela noite esaltadora de canto é rústico— ¿por qué os mestos nevoeiros, teus únicos amigos, non lle terán falado da tua xúrdia homildanza a Francisco d'Asís?

¡Irmán fento! Eu ben sei que as meigas es-trelínas da intensa bouta do firmamento, acesas arañas do infinito, mais caridosas que as cativas e escuras arañas da terra —evocadoras d'estrelas rebeldes nemigas do que voa, arroxadas do ceo pra castigo da probeza— algunha vez bican, c'o seu longuísimo bico de lus, a tua imaxe melancólica, que anda a tremelare nas escintilantes risas que producen as cóxegas da bris nas augas enlamadas da montaña. ¡Que sempre chega do outo o premio pra os homildes e bós, esquecidos e desprezados na terra!

A. VILLAR PONTE.



REPARÁCHEDES nos nosos cruceiros aldeán? Pois reparade.
A Virxe das Angustias, enclavada no reverso de moitas cruces de pedra, non é a Piedá dos escultores; é a Piedá maximada polos nosos artistas canteiros.

Os canteiros, deixándose levar polo sentimento, non podían pôr un home no colo da nai.

Prós artistas canteiros Xesucristo sempre é pequeno, sempre é neno, porque é o Fillo. Os fillos sempre somos pequenos no colo das nosas nais.

Reparade nos nosos cruceiros e ollaredes o gran sentimento dos nosos traballadores da pedra.

(Grabado de CASTELAO).

Y A Vida das Águas é um documentário de 2011 que retrata os efeitos da poluição das águas no planeta, mostrando a luta das comunidades ribeirinhas pelo uso sustentável das águas. O filme, dirigido por Ana Paula, fala sobre a necessidade de preservar as águas para garantir a sobrevivência humana.







O TEOSOFO ALEMÁN RUDOLF STEINER⁽¹⁾

(PROSEGUIMENTO)

V

AINDA esta tradición oucidental hermética e cabalisteca, non é oucidental na sua orixe. A Europa recibeuna do Exipto e dos Xudeus na Edade Media, de xeito que somentes dende entón é oucidental esta tradición, embora a poidamos dar como tal en comparanza coa tradición hindu e budhista. O dualismo antr'ambas tradicións qu'eu seguin ate agora n-iste traballo, espúxolla a un periodista hespán —ainda parécmese que foi o gran dramaturgo catalán Eduard Marquina, o autor de *En Flandes se ha puesto el Sol* —o profesor indo Ramana, residente en Lyon — gran centro ocultista de Francia, onde se conservan todal-as tradicións herméticas e cabalistecas, e ainda vivas lembranzas do gnosticismo dos Albixenses, parelo do noso Priscilliano.

Mais a Europa tiña unha tradición ocultista de seu, da que fican restos en libros com'o *Kalevala* finlandés, os *Eddas* escandinavos, as *Sagas* nórdicas e a literatura céltiga dos bardos.

De todo elo, o mais importante é a literatura céltiga. Digo isto, porque dos Druidas sábese positivamente que poseían unha doutrina esotérica —abonda con leer o que d'iles conta Diógenes Laercio — e a sua sabencia era tan grande

que pasmou ós escritores clásicos. Dos escritos d'estes despréndese qu'os Druidas cultivaban todal-as ditas *Cencias do Santuario*.

Mais coma toda a su sabencia trasmitíase pol-o ensenho oral, coma os moimeiros que temos da literatura céltiga son caxe que todos da época cristiá, resulta que a tradición esotérica dos Druidas non pudo chegar a nós.

Cra'rá que a literatura céltiga, os escritos nas modernas lingoas d'aquél grupo, e as novelas cabaleirescas ditas do ciclo bretón non foron caxe que nada estudasen n-iste respeito, e si algunha vez o foron, foi guiándose polos preconceitos da teosofía blavatskiana. O úñeco que parece ter feito algo n-iste sentido d'un xeito independente, foi o noso amigo, e colaborador de NÓS Phileas Lebesgue, como s'ouserva leendo a sua novela *Outre Terre*.

Hai un libro, seica moderno, que corre co título de *O Misterio dos Bardos da Ilha de Bretaña* que, dado que sexa apócrifa coma din, pretende pol-o menos contelar as tradicións principais do esoterismo druidico. E ben poidera, ainda sendo apócrifo e moderno, traxer á nós os ecos d'unha tradición que se ven trasmitindo d'unhos a outros.

Mais onde mais se conserva d'esta tradición propriamente europea, é dende logo no *folklore*. D'elquí a importancia qu'eu indicaba xa ó comienzo d'este traballo, do esudo da nosa antiga tradición enxebre, que algún dia teño intención de revelar, no que ten de senso verdadeiramente ocultista.

(1) Os leitores deben saber qu'o autor d'iste artigo non é un creente da Teosofía. E somentes un espositor imparcial. O autor pensa, non embargante, que hai nas doutrinas teosóficas das diferentes escolas, cousas moi atinadas en col do Cosmos e más do Home, embora istos acertos non sebonen o conxunto das ditas doctrinas.

VI

Dixen que Rudolf Steiner pertencia á tradición esotérica oucidental hermética e cabalística, tal coma se refexa nos ocultistas franceses que temos citado. Mais il tiña na sua Patria esta tradición ben enraizada dende a Edade Media.

Non falaremos elquí dos Cabaleiros teutónicos nem dos Templarios, mais hemos relembrar que a Sociedade Rosa Cruz fundouna no século XIV Cristián Rosenkreutz, e logo terrei que citar as meirandes figuras ocultistas do Renacemento alemán: Paracelso (Teofrasto Bombast von Hohenheim), Cornelio Agrippa von Nettesheim, os dous médicos, e alquimistas de sona universal; o gran humanista Xan Reuchlin, versadísmo na Cábala, e cecais o mais ilustre de todos: o Abade Trithemio. Nas obras d'estes tratadistas alemáns do século XVI, colheron caxeque a parte meirande dos seus coñecementos os ocultistas da escola francesa. As versiós da Cábala de Knorr von Rosenroth correrón d'abondo en Francia, así como as obras de Paracelso, nas que s'inspiran os derradeiros espaxíricos dos nosos días.

No século XVII, na Alemaña, vólvese recostituir a Rosa Cruz, baixo a conduta de Xan Valentín Andrés, teólogo de Wurtemberg; un imenso numero d'alquimistas verdadeiros, trabucados ou engañosos, adicase a buscal-a Pedra filosofal: Alejandro Sethon, Van Helmont, Kellie e outros moitos; por fin, aparece un revelador estrano: o zapateiro Xacobe Boehme, de Goerlitz, que a xente reputa compretamente iletrado, e qu'escribe unhas obras lumiosas e esfrañas, das que a que se fixo mais famosa foi a titulada: *Os tres principios da esencia divina*, Na Inglaterra, unha iluminada chamada Xoana Leade, funda a seita dos *Filadelfos*, que venera á Xacobe Boehme coma seu santo fundador. No século seguinte, o ilustre Clodio de Saint Martin virá á Strasburgo a estudal-as obras de Boehme, baixo a mestranza da feimosa Mad. Boeklin. Por fin, a infuencia do zapateiro de Goerlitz chega ó século XIX, e imprime o seu rubro á filosofía post-kantiana: Schelling e Hegel foron discípulos de Xacobe Boehme.

No XVIII, as doutriñas espalladas dos Filadelfos, dos Rosa Crus, dos Cohen e demás fraternidades ocultas, dan orixe ó Iluminismo.

Aparece Dom Pernety, monxe benito, cabalista, que, botado fora da Prusia, vaise esconder na Francia, en Avignon. Logo un padricador misterioso, danés ou do Schleswig-Holstein, chamado Kolmer —o Althotas, cecais, do que fala Alexandre Dumas na sua novela *Xosé Balsamo*— mestre do famoso Cagliostro e do bávaro Adam Weishaupt, profesor de Direito en Ingolstadt, contribue á fundación da *Orde dos Iluminados*, á que s'affiliaron moitos homes ilustres, coma o famoso pedagogo suizo Pestalozzi.

Por fin ven o gran renacemento alemán despois das guerras napoleónicas. O que trague unha gran renacencia das doutriñas ocultistas. Teríamos que falar elquí do famoso Zacarías Werner, que quixo traguer ó teatro os misterios masónicos; do fisico Baader, dos filósofos Jacobi e Schelling, do gran Növalis, o autor de *Os discípulos en Sais*, tan cheo de revelacións teosóficas; de Simón de Geldern, de outros mij e mil adeutos que, si non tan grandes com'os d'epocas mais recuadas, ben podian co-aquiles contribuir a prepararle o camiño a Rudolf Steiner.

Ainda hai mais: na derradeira época citada, os eruditos alemáns principian a estudar e traducil-as primeiras obras da literatura sánscrita chegadas a Europa no século anterior. Federico Schlegel faise o espallador e panexirista d'esta literatura. Había entón nas Universidades alemáns moitos que lian a Valmiki, o autor do *Ramayana*, no seu testo orixinal. De xeito que aquiles homes podian citalos testos indos con moita mais seguranza que os fundadores da Sociedade Teosófica; podian faguerse donos, de modo direito, da tradición oriental.

VII

Rudolf Steiner nasceu en Kraljevic (Hungria) o ano 1861, e pasou os seus anos de rapaz, na Hungria e nos Cárpatos, levando unha vida solitaria e d'estudo. Consagrárono ó servizo relixoso, mais il despois d'unha seria disciplina nas escolas, estudiou principalmente cencias naturaes, letras e filosofía, collendo lei mais qu'a nada á estoria natural, tanto que chegou á nisto unha verdadeira autoridade.

Os vinte anos recibeu en Viena o seu título en filosofía, e viveu ali dez anos escribindo artigos nas revistas científicas en col de moitos

asuntos de zooloxía e mais das teorías das coores.

O ano 1890 chamárono a Weimar, onde s'estaba preparando unha edición completa das obras científicas de Goethe, pra que colaborase n'ela. A Steiner, polos seus coñecementos en ciencias naturais, encargáronlle a parte da obra de Goethe que trata d'istes asuntos. Non precisamos faguer noutro-a importancia d'iste encárrego, prós que seipan a importancia que Goethe ten coma naturalista, xa que, como se sabe, foi un dos criadores do trasformismo, un dos precursores de Darwin.

Steiner estudiou a Goethe a concencia. Nas suas obras cita a Goethe a cada instante, e ademais, consagrrou o estudo dos seus escritos varias obras de moito valor: *Goethe's Weltanschauung* (A visión do mundo en Goethe); e *Goethe als Vater einer neuen Ästhetik* (Goethe coma Pai d'unha nova estética). Goethe foi cecais o primeiro mestre verdadeiro de Rudolf Steiner, e a sua influencia n'il foi duradeira, moito mais qu'a d'outros cos que logo fixo coñecencia: Nietzsche e Haeckel. O insiné autor do *Fausto* e do *Wilhelm Meister*, a maiores d'un gran poeta e d'un home de cencia, era tamén un home instruído nas ciencias ocultas; anque viviu enantes do gran *revival* místico da época romántica (a dos Thielek, os Schlegel, Novalis, Uhland, Baader, Schleiermacher etc.), viuse envolto pol-a corrente que pasou primeiro, dos Schelling, Werner, Jacobi etc. Cantos teñan lido o *Fausto* poderán apreciar ben esto qu'eu digo, si se lembran de pasaxes com'o *Conxuro dos Catro*, as verbas de Fausto contemplando o sino do Microcosmos —que é o que eiqui na nosa Terra se chama o *risco de Salomón*— as verbas da bruxa, a escea na qu'o Doutor Wagner ven de producir o *Homunculus*, e outras moitas. E eiqui teño que declarar mal que me pese, qu'aínda non puden pillal-a segunda parte do *Wilhelm Meister*, pois somentes é o de menos curiosidade o qu'está vertido o castelán por unha casa de Paris.

Non hai pra que dicir, pol-o que levamos visto o que o estudo fondo de Goethe había influir na vocación teosófica de Rudolf Steiner.

No tempo qu'estivo en Weimar, fixo Steiner as primeiras obras sintéticas. Aquela busca da síntese, ansia natural do espírito humano, que non quer que a análise científica lle

desfaga a unidade, embora a facultade da síntese sexa patrimonio de certas razas, foi o que —dende o punto de vista corrente e ordinario— levou a Steiner á Teosofía.

Pol-o d'agora, coma vemos, a vida de Steiner non se diferencia gran cousa da d'outro sabio alemán calquera. Así sigue ainda. Coñeceu, e foi amigo e discípulo do gran F. Nietzsche, cecais o home que mais espíritos trubou na nosa época, e depois, sofríu a influencia d'Ernesto Haeckel. Compre adevidio que principiou entón o andado positivista. Steiner decatouse ben do que Haeckel era en filosofía; a concepción haekelianiana da lei bioxenética (o paralelismo da ontogenia coa filogenia) aixiña Steiner comprendeu qu'era un achádego d'inmensa importancia; mais tamén soupo ver que Haeckel, que non tiña nin migra de preparación filosófica, o fagueu deducíos da sua lei famosa, iba caindo en erro. Os xuizos de Steiner en col do outrora sonado autor dos *Enigmas do Universo*, atópanse na sua obra: *Haeckel und seine Gegner* (Haeckel e os seus nemigos).

No ano 1897, Steiner foise pra Berlin a dirixir un boletín literario, e ali foise apricando a sua obra teosófica.

VIII

Coma se ve, o que levamos dito da vida de Rudolf Steiner non se diferencia gran cousa da vida d'outro sabio alemán calquera. Unha vida sinxela, sen aventuras, vida d'estudo e de traballo serio, disciplinado, vida d'home metido na cencia ordinaria: nesa *cencia oficial*, tan combatida polos teosofistas, contra da que iban total as sátiras d'Helena Petrovna Blavatsky; ben lonxe da cencia irregular e sospeitosa das asociacions ocultistas, ond'os chiflados e os embaucadores sentan a caron dos homes graves de saber verdadeiro.

Mais Steiner tivo unha crise de concencia que trastornou todolos seus principios, e despois d'aquela crise, din que recibiu a Iniciación que lle comunicou un Mestre Oculto da Rosa Cruz, cecais un dos misteriosos adeptos dos montes Cárpatos, onde se supon que hai moito tempo reside unha fraternidade iniciática.

Nada mais misterioso qu'a Rosa Cruz. Compre que falemos un pouco d'ela, pra comprendermos ate onde se poida o espírito da inicia-

ción recibida por Rudolf Steiner. Xa fixemos referencia a Rosa Cruz e ó seu pretendido restaurador, Xan Valentin Andrés. Iste sabio teólogo protestante publicou en 1613 un libro titulado *Fama Fraternitatis Rosæ Crucis* no que se conta o seguinte: No século XIV, Christián Rosenkreuz, alemán, marchou ós 20 anos pra Oriente pr'estudal-as Cencias Mágicas. Atopou en Damasco unhos adeutos qu'o agardaban coma si fora o reformador do mundo e que lle comunicaron segredos extraordinarios. Percorreu logo a África do Norte e deprendeu a Cábala en Fez. Despois pasou a Hespaña, onde quixo principal-a fundación da sua obra, mais botárono fora, e voltou pr'Alemaña, e ali atopou tres discípulos. Comunicoulles a sua filosofia, e logo foise meter n'unha cova, na que viviu a sós deic'a edade de cento seis anos, en que morreu e foi no ano 1484.

Os seus discípulos soterrárono n'aquela mesma cova, porque a sua sepultura tiña que ficar escondida e sin que ninguén soupera d'ela ate que non chegara o tempo.

O tempo chegou no ano 1604. Alguén entrou na cova, e viu unha luz misteriosa qu'alumeaba o sepulcro de Christián Rosenkreuz: n'un altar, había unha plancha de cobre onde dícia: «Vivo, reserveime pr'a cova iste resume de luz» e catro figuras cos rótulos seguintes: «Endexamais valeiro»; «O xugo da Lei»; «A liberdade do Evanxeo»; «A Groria de Deus». Arredor ardian sete lámparas, das qu'as luces refrexaban en espellos de variadas figuras. Támén había libros, antr'iles tres, principás: o do *Microcosmo*, o *Diucionario das verbas de Paracelso*, e outro que tiña na man o difunto mestre fundador.

S'en fora espricar elquí o que todos ises símbolos significan, ainda decindo somentes aquello que a todolos leitores pode ser comunicado, e qu'eu pol-o tanto podía pôr elquí sen inconveniente, tería qu'encher centos de páginas. De xeito que non direi mais qu'o seguinte: O nome de Christian Rosenkreuz contén as iniciás ou siglas da Rosa Cruz: C. R. ou R. C. O mesmo nome significa, en alemán Rosa Cruz Cristiana: *Christian, Rosen, Kreuz*; as siglas devanditas escribense de cote R & C, grafismo do que o nome do Mestre fundador —mais ou menos veítico— é unha tradución e unha de-

claración. Agora compre lembrarmos que a Rosa e a Cruz son o dobre esquema ou pantáculo no qu'está calculada a arquitectura oxival, forma suprema da arte cristiana, coronamento natural da evolución da arte románica, com'indica D. Xoquin Arias Sanxurxo, n'un artigo publicado n'un número de NOS. E os rótulos das catro figuras da sepultura de Rosenkreuz, declaran: «Endexamais valeiro»: que Deus existiu dende sempre e pra sempre; «O xugo da Lei»: o Antigo Testamento, ou Lei de Moisés; «A liberdade do Evanxeo»: o Novo Testamento ou Lel de Gracia; «A Groria de Deus»: a Lei de Groria qu'o Noso Señor Xesucristo ha istaurar na terra, cando se cumpra de todo o que nós lle pedimos á cotio: «Adveniat á nos regnum tuum». A Rosa Cruz foi, polo tanto unha institución cristiana, e compre non esquecer isto pra cando xusquemos da obra de Steiner.

Sigue dicindo a *Fama Fraternitatis Rosæ Crucis*, que na parede da cova ond'estaba o corpo de Rosenkreuz, dícia: «Despois de seis veces vinte anos serei descoberto.» E di qu'a Sociedade formouse con oito irmáns, qu'eran compretamente virxes, que xuraron mantel-o segredo tocantes á trasmutación dos metales, do elixir de longa vida, da adeviñanza e das apricaciós da Cábala, e a formarse cada un, un sucesor capás que seguirá a Sociedade. Todolos anos tiñan unha Asambreia, e a Sociedade había manterse no segredo por cento e vinte anos, e si algunha vez se desfaguia, con voltar á cova do pirmeiro fundador, sería restaurada.

Pouco tempo despóis da publicación d'iste libro, en 1625 apareceu unha mañá nos muros de Paris un chamamento do Capítulo dos Irmanos Rosa Cruz pr'os que quixeran ter relación co-iles. Principiou a xente á falar d'iles. Decíase qu'eran xentes descoñecidas e milagreiras, que anque vivian probes e escuras tiñan a Pedra filosofal e podían trabucar canto ouro quixeran; que curaban todalas doenças con rezar ou con mirar pr' doente, tanto que resucitaron a un rey de Hespaña; que tiñan un libro polo que podían deprehender todalas cencias e todalas artes e outros moitos prodixos. En troques os seus nemigos, com'os PP. Xesuitas, Gaultier e Garasse, tiñanlos por embaucadores e herexes perigosos, que decían qu'o Papa era

o Antecristo e qu'habían acabar co seu poder, e que o verdadeiro xeito da Eirexa era o Emperador d'Alemaña, Rey de Romanos.

A todo isto, ninguen vira nin coñocera ningún verdadeiro Rosa Cruz. O filósofo Descartes, fondamente preocupado, fixo cantos inquéritos pudo e non conseguiu atopar ninguén que se confesara membro da Sociedade.

Non hai dúbida que a Rosa Cruz medioeval, si a houbo, estivo relacionada coas corporacións masónicas e mais coas Ordes cabaleirescas, com'a Teutónica e a do Temple. Tampouco cabe dudar que a que se pretende restaurada por Xan Valentín Andrés no século XVII, foi unha dexeneración da primitiva causada pola infusión do espírito protestante e antipapista do teólogo de Wurtemberg.

O certo é que hai unha supervivencia dexenerada da Rosa Cruz na moderna masonería: o grado 18 do Rito Escocés Antigo e Aceitado cuios membros se titulaban *Soberan Príncipe Rosa Cruz* e que ó dicir dalgúz celebra un ritual sacrílego e blasfemo que, de ser certo, non sería mais qu'unha inversión do simbolismo da Rosa Cruz primitiva.

Por fin, a fis do século pasado, en Francia, o famoso escritor Xosephin Peladan, chamado o Sar Peladan, por decirse descendente de Merodach Baladan, rei de Babilonia, fundou unha asociación literaria, artística e teosófica chamada a *Orde da Rosa Cruz*, compretamente católica, ruskiniana e prerrafaelita, que celebrou en distintos puntos de Francia, Bélgica e Holanda, concertos, exposicións d'arte, representacións teatrais, conferencias, etc.

Outro que se di representante da tradición Rosa Cruz é o teósofo american Max Heindel.

IX

Tal foi a iniciación que recibiu Rudolf Steiner, e tal foi a sua vocación teosófica. Recolleu d'iste xeito a tradición oculta da sua raza, a teosofía da Edade Media cristiana e da cabaleiría e a masonería medioevas. Trátase, pois, dun iniciado oucidental.

Mais Helena Petrown Blavatsky viveu e andivo por Alemaña. Parte da sua obra fundamental, a *Doutriña Segreda*, escribeuna-n-Alemaña. A súa influencia fixose sentir nos

teósofos alemás, e tamén en Steiner. Steiner foi discípulo da reveladora da iniciación oriental, e formou na Sociedade Teosófica ate que chegaron os acontecimentos de qué deixamos feito mención.

Xa celibe dos vencellos qu'o xunguan á Sociedade Teosófica, Steiner pôdeu desenrolal-as suas doutrinas, acomodadas ás revelacións do seu Mestre especial. Entón fundou a *Antroposophia*, que non é diferente da Teosofía senón un xeito d'enxergal-a Teosofía das Edades, ate certo punto conforme coa tradición oucidental. A Antroposofía ten tamén un senso universal, e pretende axuntar, orgaizar e dirixir total-as forzas espiritualistas da Europa.

A Sociedade Antroposófica medrou d'unha maneira tremenda. Pouco antes da guerra chegara a fundar en Dornach, perto de Basilea (Suiza) un centro internazonal d'estudos teosóficos e espirituais. A *Johannesban Verein* (Sociedade costrutora de San Xoán) organización que quer continual-a tradición masónica da Edade Media, ergueu en Dornach uu gran templo, centro da nova doutrina. A guerra detivo as obras, e detivo o desenrollo do centro internazonal antroposófico. Mais despois, os traballos siguiron, e hoxe erguese en Dornach o templo antroposófico. Iste templo, feito obedecendo os principios de Ruskin, as sete lámparas de arquitectura, consiste n-unha gran cúpula, representación do Universo, sostida por cada lado por sete columnas pentagonaes, que levan nos capitós as formas planetarias do noso mundo; d'esta cúpula sai outra sostida por doce columnas que sinifican as influencias zodiacais, e nas fenes, os vidros de coores, representan as etapas do progreso. O templo custou catro millóns de pesetas.

A influencia de Steiner na Alemaña actual é enorme. E a nosa unha época de *revival*. No derradeiro capítulo da obra de Paul Fechter *Der Expresionismus*, do cal temos unha versión galega inédita, feita pol-o noso colaborador Ramón Otero Pedrayo, siñálase a coincidencia das ideias de Steiner coas arelas fundamentaes da y-alma contemporánea.

Vista xa a grandes liñas a vida de Rudolf Steiner e situada a sua figura no mundo teosófico, e ainda, sexa c'unha breve referencia, no

pensar dos nosos días, imos ver un pouco da obra d'iste teósofo.

Principiaremos polo seu pensamento filosófico ó xelto corrente, sen gran complicación teosófica, tal e como s'espón no seu libro *Die Philosophie der Freiheit* (Filosofía da liberdade) da que teño á vista unha versión italiana (Bari 1919).

O sistema d'ideias que contén iste libro, publicado en 1892, áchase a primeira vista ben lonxe da Teosofía. Ninguén sospeitaría o teósofo n'un autor enrabechadamente intelectualista, nemigo de todo supernaturalismo, de todo misticismo, de toda metafísica, de canto polidéramos chamar orde trascendental. Quen coma min coñeceu pirmeiro ó Steiner iniciado que ó Steiner filósofo, de primeira intención non pode un por menos de ter dificultades, cand'én té a *Philosophie der Freiheit*, pra indentificar o un co outro. E mais non colle dúbida que é a mesma intención a que gulou os dos, s'hemos creer o qu'il mesmo declarara no prólogo á primeira edición de *Theosophie*, da que hai unha versión castelán, un pouco descoidada, feita por un home d'autoridade n'estas cousas: Rafael Urbano. Pois n'ise prólogo di Steiner. «Os qu'estimen mais persuasivo outro método d'investigación pr'aas verdades eíqui espontas, poderán velo na miña *Philosophie der Freiheit*, Berlin, 1892. As liñas reitoras d'un e do outro libro, anque diferentes, levan ó mesmo fin. Pr'a comprensión do un, non compre o outro, anque o coñecimento dos dous conveña a algúns lectores.» Moito hai que mirar e estudar os dous libros, pra verifical-a verdade d'esas verbas do autore.

Efeitivamente *Die Philosophie der Freiheit* é un libro en col do problema da liberdade humana; mais da liberdade coma norma moral —no senso en qu'a liberdade pode ser norma— que non no senso de libre arbitrio, problema que mais ben quita de dedicante, que non resolve. Mais ben, o libre arbitrio resulta negado n'iste libro, no verdadeiro senso tradicional no que o libre arbitrio s'adoita a sostener. É unha teoría que leva ó individualismo ético, no que cada home s'auto-determina fora de toda norma exterior a si mesmo. Mais se trata pois de liberdade ética que non de liberdade psicolóxica.

O sistema de Steiner é, como dixemos inte-

lectualista; repousa no feito do coñecer. Non quer unha filosofía do sentimento —á que chama *misticismo*: «o erro d'esta maneira de ver —di— consiste en qu'ela quer esperimentalo que debe saber, e quer erguer un elemento individual, o sentimento, a un valor universal.» Non quer unha filosofía da vontade —á que chama *telismo*.

Steiner pon coma fundamento da sua filosofía, coma elemento orixinario da vida espiritual do home, o *Pensamento*: «Pra quen teña a capacidade d'oserval-o Pensamento —e c'un pouco do boa vontade, pode tela todo home normalmente orgaizado— tal observación é a mais importante de cantas se poidan faguer. Pois o home oserva eíqui unha cousa qu'il mesmo produz: non s'atopa frente a un oxeto estrano a il, senon á sua propia actividad: sabe coma xurde aquilo qu'il oserva: vé os nexos e as relacións. Faise dono d'iste xeito d'un punto fixo, dend'o que pode con fundada espranza, moverse car'a espración de todolos outros fenómenos do mundo».

«O sentimento de poseér iste punto fixo, induciu ó fundador da filosofía moderna, René Descartes, a basar toda a coñecencia human na proposición: «Eu penso, logo eu son». Toda outra cousa, todo outro devenir, está aló en min, non sei se coma verdade ou coma ilusión ou sono. Unha sola cousa sei d'un xeito completamente seguro, en canto eu mesmo o levo a segura existenza: o meu *pensamento*. Teña a sua existencia ainda outra orixe, veña de Deus ou de calquera outra parte, eu estou seguro qu'il existe no senso en qu'eu mesmo produzo».

Hegel pon coma pirmeiro elemento, a ideia, o conceito; Steiner pon o pensamento «que se non apoia mais qu'en si mesmo, que non é determinado mais que por si mesmo», e que produz os conceitos e as ideias, ás que somentes polo pensamento se chega, xa qu'elles presuponen o pensamento. Tal é, asegún declarara no principio do capítulo do *Mundo coma percepción*, a sua diferenza con Hegel.

«No universo vemos dous polos: Eu e o Mundo. Iste especie de muro de división erguémolo aixiña qu'espuntan en nós os pirmeiros lastregos da concencia. E mais non perdemol-o sentimento de que pertencemos ó mundo, qu'eisiste un ligame que nos xungue a il,

qu'estamos dentro e non fora do Universo.... «Os filósofos teñen partido de varias polaridades orixinarias: Ideia e Realidade, Suxeto e Ouxeto, Aparência e Causa-en-sí, Eu e Non Eu, Ideia e Vontade, Conceito e Materia, Enerxía e Materia, Consciente e Incosciente; mais é facile demostrar que todas estas polaridades débese faguer preceder a d'Observación e Pensamento, que é a más importante pró home».

O mundo preséntasenos com'unha multipricidade, com'unha suma de singularidades. Unha d'estas singularidades, unha causa antr'as causas, é o home mesmo. Así nos atopámolo mundo diante coma *percepción*, e antr'o mundo das percepcións percibimos a nós mesmos. Esta auto-percepción ficaría com'unha de tantas outras percepcións, se do medio d'ela non xurdira algo que pode ligal-as percepcións antr'elas, e ainda a suma de todas coa do noso ser. Esta causa que xurde xa non é unha mera percepción, senón que xurde por obra d'unha actividade, e aparece ligado co que nós percibimos com'o noso ser. Mais esténdese mais aló do ser. Axunta ás percepcións singulares determinacións ideás, qu'están en relación unha coa outra e que teñen as suas raíces n'un intelecto. Tamén determina idealmente o que resulta da auto-percepción e contrapónos ós ouxetos coma «eu». Iste algo é o *Pensamento*, que preexiste ó suxeto o cal non se fai suxeto sen o pensamento. Nos achámonos pechados n'unha caixa que percibimos coma nosa personalidade; mais somos tamén vehículo d'unha *actividade que determina d'unha esfera mais outa a miña existencia limitada*. «O noso pensamento non é individual com'a sensación e o sentimento. É universal... «No pensamento dásenos o elemento que xunta a nosa particular individualidade en xunto co cosmos... en tanto pensamos, somos o ser un e universal que todo o invade». Steiner insiste repetidamente no feito do pensamento millor dito, o seu produto, o *conceito*, non ser unha causa que nós pomos nas causas. Il pensa qu'está n'elas: «Ponde a planta frente a vós: ela xúntase na vosa y-alma c'un determinado conceito non perteneceria à mesma planta menos qu'as follas e as froles?». E afirma que non val buscar nos seres singulares do mundo outra causa de común que non sexa o contido ideal que nos dá o pensamento.

Na vontade, a percepción é a capacidade

individual do noso ser, namentras o conceito é o elemento universal en nós, e pr'o meu querer, eu non podo atopar ningún elemento determinante no mundo da percepción, senón somentes no mundo das ideias, cando a intuición conceptual se presenta primeiro qu'a sua percepción. Nun auto volitivo singular hai que considerar o autor conceptual, *motivo*, causa momentanea do querer, e o autor perceptivo, *pulo*, causa permanente no individuo. Un mesmo conceito move diversamente a homes diversos, aseguir a sua natureza individual: «disposición caraterolóxica», lle chamou Ed. von Hartmann.

Antr'os grados da disposición caraterolóxica, o mais outo é o que obra como pensamento puro; e sendo o mais outo dos motivos a intuición conceptual, atopámonos con qu'eiqui a acción impulsora coincide co motivo. «Unha acción semellante supón a capacidade das intuicións moraes. A quien lle falta a capacidade de se criar pra cada caso a sua máis moral especial, non poderá chegar endexamais á verdadeira vontade individual».

Iste principio moral é o contrario do de Kant: «fai de tal xeito qu'as normas do teu faguer podan valer pra todolos homes». Eiqui, cada unha sacala norma pra cada caso concreto, da sua ideia. En tanto o contido intuitivo de cada unha obra nos seus autos, constituye a potencialidade moral do individuo. Deixar desenvolver tales potencialidades, e o canon moral de Steiner, que lle chama, coma xa dixemos: *individualismo ético*. Eiqui xa se non fala de conceitos moraes xeneraes (normas, leis). Eiqui reina a liberdade: «unha acción cuia causa estea na parte ideal do meu ser individual, é libre». «Libre é somentes o home qu'en cada instante da sua vida está en grado de s'obedecere a si mesmo». E eiqui metese o conceito nietzscheano do *espírito libre*, anque Steiner non deduza d'il todalas consecuencias ás que tal conceito podería levalo.

Non compre qu'eu poña eiqui de manifesto a endebleza do sistema total de Steiner, nin xi quería na parte teórica, xa que na parte moral ve-a calquera. Somentes chamarei a atención dos meus leitores car'o xeito que ten de conciliar o individualismo ético coa convivencia social: «O moralismo—di—non comprende a unicidade do mundo das ideias». Da unicidade d'ise mundo ven logo toda armonía.

VICENTE RISCO.

(Ha seguir).



NOVOS PRETEXTOS

EN COL DA CHUVIA

Chove.

Está á chover manseniña, dóemente, co-esa soavidade de agarimo con que chove eiqui.

A xente, acostumada, non fuxe. Vai, pasenñamente pol-as ruas, coma si a auga non-a mollase.

A serán —doente, outonal— trae unha ledicia pueril á cibdade crara.

Sentimos arelas de cantar aquel “¡Que chova, que choval...” infantil —legria de sair d'a escola— que se perdeu xa pra nós co-aquela alvoreada sorriente d'a nenez...

A legria d'a cibdade.

A chuvia non trai tristura a Galiza.

Cando chove sentimos un dólce, un diñío consolo. Ten a chuvia eiqui o recendo d'unha sorrisa de muller, o encanto d'a saudade, o adormecemento d'o Nirvana.

Escomezou a chover, y-os arbres d'Alameda estremecéronse de felicidade y a xente sorriu compracida.

Ista chuvia mansa, que agarimo, que legria trae á cibdade y ó agro!

Pensemos un pouco.

A cibdade —tan crara, tan linda— ten o encanto gracioso d'una muller.

Agora que chove sobre d'ela, ó momento suxiremos a ideia de que a chuvia é unha coquetería d'acibdade.

A cibdade está a se prefumar con un remilgamento de compracencia, pra logo servir con mais beleza e con ese esvaido recendo a terra mollada.

O siñor que se limpa as botas.

N'o café dende que chove, creceron os barullos.

Os clientes puxéronse nerviosos e dan con mais forza ás bolas d'o billar y-as fichas d'o dominó, que o chiscar co-a mesa de marmore, fan un ruido anguxento.

O siñor que nos chama a atención é ise a quién lle están a limpar as botas. Cimbra o brazo ezquierdo n'o respaldo d'a silla e fuma o cigarro co-a testa ergueita nun xesto d'argulo.

Iste siñor fainos pensar moito. Pra qué se limpa as botas se está chovendo e vaines á luxar aixiña?

Sentimos o desexo de perguntarlle, mais o seu xeito de desdén prohibenolo.

Acabou. As botas brilan co-esa exaxeración d'os anuncios d'o betún.

Esparexe un ollar en torno. E vaise hacia á porta persuadido d'a importancia de levar brillantes os zapatos.

Iste siñor vai a rua, seguramente, pra xogar co-a chuvia a non deixarse mollar as suas botas reluentes.

O eucalipto.

Dende a vidrieira d'o café vemos tras

d'a *Pelegrina* coma un eucalipto sai a ollar por derriba d'os tellados.

Estase mollando por curioso.

Cando non chovia asomouse pra ver a rua. Y'a auga colleuno esi, castigando a sua curiosidade como n'unha fábula de La fontaine.

¡Probe eucalipto! Nós quereríamos emprestarlle o noso paraguas pero como creceu tanto, non llo podemos erguer hastra os brazos.

Quelpos a cabeza.

Diante o café pasan mulleres c'os pés espidos, que levan unhas canástras á cabeza, cheas de peixes, de pan, ou de roupa.

Tenén o aspecto de querer ridicolizar os sombreiros grandes das "señoritas".— Mais ista tarde chuviosa fainnos pasar un mal rato.

Como son tan grandes, as mullerías que os levan non se dan conta de que chove. I-estamos vendo seu xesto d'admiración cando cheguen ó sitio onde vayan, y-o baixalos d'a cabeza, os atopen inundados.

A intimitade y-a chuvia.

A chuvia trae intimidade ás almas.

Esa dozura, esa oscuridade soave, ese encanto de muller doente que dá a serán, dallo por reflexo as presoas.

Unha tarde de chuvia é o millor momento pra facer dono d'un segredo amoroso á un amigo, pra dicér "¡Canto te querol!" a unha mullerinha, pra sentir esas arelas de amar que latexan sempre n'os espiritos escollidos.

Hav homes grosos e vulgares que aldraxan a chuvia co-as suas groserias. Iste homes están n'a sua casa afundidos n'unha butaca e din profananda o encanto íntimo d'o momento:

—¡Dade á luz!

o desprecio á chuvia deleitosa, agarradora. Por isto todos vos tedes fixado que dempois de pronunciar esas verbas, esa profanación á chuvia, vengándose, chouta con coraxe n'os vidros d'a casa d'este home vulgar.

EDUARDO DE ONTAÑÓN.

Ponteredra Outono d'o 1923.

SEICIÓN ARQUEOLÓXICA

APUNTE PRA UN CATÁLOGO DE EIREXAS ROMÁNICAS DE GALIZA


Aeirexa parroquial de *Santa María de Portas* (Pontevedra) está rubida a un monticelo á man esquerda da estrada que, empalmando en Vilanova, ca que vai pra a capital da provincia, condúz a Caldas de Reis. Alonxada de esta vila como cousa de tres kilómetros, conserva intresantes restos románicos do século dozavo. Pol-as trazas, foi engadida a parte dianteira, hastra darlle a cabida que agora tén, no século dezaoito de cuya época son as sinxeliñas e cativas imaxens que coroan a fachada. A metade da eirexa é ainda da fábrica vella e vése ó simple ollar a trabazón dos sillares.

Compre señalar os canicelos con dibuxos sin importancia e quasi todos lineares e diferentes; o ábside reuto con fenestra de médeo punto, sostido o arco por columnas con capitel, mais sin adrezo ningún; a probe crus que loce no ángulo que forma o tellado; e as duas fermosas fenesas estreitiñas que locen no muro norte —abonda dicir que o moimento está ourentado ó Poente— co seu arco e as suas columnas ben dibuxadas anque enxalbegadas disgraceadamente.

No interor, somentes é dino de recordazón o presbitéreo cuyo teito está apoyado en catro columnas pesadas —peque-

chas e bochudas — con capiteles de dibuxos entrelazados e un de eles con toscas figuras humanas, dispostas ó parecer sin ouxeto. Asentado nos capiteles dianteiros e como reforzando a bóveda, eisiste un arco rexo en forma de oxiva, induvitabel aditamento posterior ou polo menos modificado nos séculos socesivos.

A influencia da basílica compostelán pode dicirse que é nula. A pesadez da obra eisí o acredita. Certo é que a inscripción, que adrede deixamos pra o final, dá como consagrada esta eirexa no ano de 1180. Oito anos mais tarde ainda se puña o dintel do Pórtico da Gloria y-en 1211 — vintedous anos por riba — consagrábbase a Catedral de Sant-Yago concruida ó mediar do século XII, como é sabido. Háchase a devandita inscripción na parede norte a catro metros do chan e dí:



Asegún o episcopoloxio de Compostela rexia a archidiócese Don Pedro Gudesteo.

E curiosa tamén unha pedra irregular, anaco de unha maor, que contén estas letras:

O V I D
F V I Q

Está invertida, a metro e médeo do chan. Nela quizais se leése:

O (opus) VID (V idus)... FVI (fuit) Q (qui)

Ténoa como complemento da antereor, facendo referencia á data da consagración.

Polo que fai a notícias de esta eirexa, nada atopei nin na "Galicia" de Murguía, nin nas "Iglesias gallegas de la Edad Media" de Villaamil. Fixémonos na advocación e non haberá dúbida da su antigüedad. A "Compostelana" dí (Lib. I, Cap. C): "Item Ranimirus Muniz dedit pædictus Apostolo... portionem suam de Deiru; & de Villa Usa, & de Villa de Curbellón, & de Villa Unio, & de Villa de Portas, & de Villa de Loix, & de S. María de Vesomanio". O visitador da dióceses ó emprincipiar do século XVII Cardeal Hoyo, autor das interesantes memorias existentes no arquivo arcebispal, trai as noticias postas seguidamente e que por seren inéditas (1) mereceu os honores da publicación:

"Tiene esta feligresia 70 feligreses, de los frutos se hacen dos partes, la una pertenece al cabildo de Santiago y la otra y un dezmero y el iglesario a la cura que valdrán cincuenta cargas de todo pan: presentación de legos (2). La fábrica tiene de renta veinte y dos rapadas y media de pan. Hay una ermita de Ntra. Señora de la Piedad".

F. BOUZA BREY.

(1) As tales memorias foron publicadas parcialmente, que eu seipa, na revista "Galicia" e no "Boletín Oficial del Arzobispado"; n-este derradeiro fóreron por meu amigo o ilustre académico Don Pablo Pérez Constanti. No referente a eirexas rurales están inéditas e temos noticias de querelos emprentar por entero a Real Academia Galega.

(2) Hoxe é persentación do Marqués de Benalbaña.



ARCHIVO FIOLÓXICO E ETNOGRÁFICO DE GALIZA

COUSAS DO VAL DE LEMOS

Meiciña popular

No val de Lemos e na montaña, na parte de Sober, emprégase moito o caldo de cobra, a camisa da cobra, e moitas plantas, com' o trobisco, os asentes, a ruda, as malvas, o apio, a xenciana e mais o ourégano.

As *froles de romero*, comidas con pan, pola mañá, en ayunas, sirven pra ter bó color.

O *caldo d'apio* sirve pra cortal-a calentura.

O *sume da ceruda*, misturado con auga fria sirve pra limpal-o estómago.

Desconxuros

Pra cortal-a ponzoña din faguendo cruces:

—S'eres cobra, ponte en roda; s'eres lagarto, vaite ó burato; s'eres sapo, anda arrastro; s'eres salamántega, vaite á barranca; s'eres araña, vaite á baba. (1)

E queijan ramas d'allo e botanll'a cinza por riba.

Oracíos

Na que se ten mais fé é no responso de San Antonio. Abonda rezalo pra que soce-

(1) Ten iste desconxuro semellanza na forma co famoso *Conzuro dos Catro* que trai Goethe na primeira parte do *Faust*; «A Salamandra s'inflame, a Ondiña s'enrosque, o Silfo se desvalenze, o Gromo traballe...» no que cada unha das catro clases d'espiritos móndaseelle que volva e traballe no elemento que lle corresponde. Eliphaz Levy esprica iste comenzo no seu *Dogme e Rituel de la Haute Magie*. Esto pode indicar igual que o noso desconxuro ven das mesmas ideias primitivas nas que s'inspirou a forma erudita do *Conzuro dos Catro*, ou ben unha influencia no noso pobo de ideas mágicas de fonte erudita. Lembremos que Michelet da a bruxeria da Edade Meia coma unha resurrección do paganismo celta.

dan os meirandes prodixos. Por exemplo, eu vou disparar un tiro contra alguha persoa; pois abonda que outra persoa rece o responso, pra que o tiro non saya, ainda qu'este a en condicións de sair.

O conto de ir o raposo coa pita na boca, e porse a dona de xoenlos e principiar a rezal-o responso, e o raposo deixal-a pita, todo é un, e son moitas as mulleres que o contan.

Agoiros.

Teñen como agoiros de morte o berro d'un corvo (1) ou d'unha pega voando por riba do tellado d'un enfermo, o layo d'un can, ou o tanguido doro d'unha cámpana.

SÉRGIO PÉREZ FERNÁNDEZ.

Sober.

©

DA PUEBLA DE TRIVES

Agoiros

Unha muller vella contou o seguinte: «Que ten comprobado por esperencia propia que cando un can ladra como ladrão o lobo, anuncia unha disgracia, qu'a ela misma lle pasara. Dí qu'na vez que ll'estivo o can ladrando desde as dez hasta as once do outro dia á mañá, qu'os quince días de pasarlle esto que lle morreu ó home unha vaca e cinco marraus, e dispois ainda hai algúns que din que non é certo. É tan certo como hai inferno e ceo.»

E son mail-as esperencias: «N-outro

(1) Murguía fala do corvo com'animal sagrado dos Celtas. En certas leendas, acompaña ó Rei Artur. De cote o corvo figurou na ornitomancia, e caxequé sempre como de mal agoiro. Os Celtas praticaban a ornitomancia. A creencia repítense no caso que se conta mais abaixo, recollido en Trives.

caso, á miña irmã Dorinda cantouelle aquela pita negra (1) com'o galo, pois ti xa sabes que onte recibiu unhas letras do fillo que ten nas Américas, dándolle conta de que lle morrera outro fillo, irmau do que ll'escribiu, que morreu traballando n'un almacén por cairlle un saco d'azucre encima e que ó momento quedou morto."

"Agora é pra que vexas se son certos ou non estes anuncios; pero cando che canten as pitas com'o galo, sabes o que debes facer? mata a pita que che cantou com'o galo, y-así a disgracia que che iba a vir non che ven, porque así *caiche a desgracia sobre a pita*, (2) eu aconséllolos que fagas d'esta maneira sempre que che canten as pitas com'o galo."

"D'estas cousas ainda che pasan moitas mais: Estabamos eu y-o Xan das Carrilhei-

(1) A pita e mais o galo negro tiveron de coñeza moi importancia na feiticeiría. Pierre Piobh, no seu *Formulaire de Haute Magie*, Paris, 1907, trai a *Ceremonie de la Poule Noire* pr'ns grandes invocacións. *La Poule Noire* é o título d'un vello grimorio francés, do que temos visto unha linda edición pequeñina con ilustracións cooreadas a man, na biblioteca de D. Antonio Rey Soto. Iste grimorio foi traducido tamén ó castelán. No *Livro de San Ciprián* falase tamén da pita e mais do galo negro. O demío qu'iste libro indica o modo de ó criar, sei d'un ovo de galo negro.

(2) Esto pode indicar unha fonda coñecencia dos principios da Outa Máxica, tal e como s'expresan nos libros da Edade Meia e mais nos modernos libros franceses e alemanes. Como se vé, aquil a quem ameaça a disgracia, pode arredala d'a si, botandola riba da mesma pita que a anunciou. Huysmans, en *L'Bas*, fala da *tex das contraseñas* por médeo da que, cand'a un lle botaron un meigallo, si un o sabe, pódese librarr d'il fuxindo do sitio ond'o vai ferir, o que *déplace le fluide*, ou pubricándoo, co que fica anulado. Ora, o meigallo que non atinxo ó enmeigado, vólvese contr'o qu'o botou: isto é o que se chama *choc en retour* (Vid. P. Piobh, ob. cit.), contr'o que, o qu'en meiga tensa que protexer. Ainda hai outros médeos de protección polos talismans, os pantáculos, etc.

No caso que relatamos, entroques de faguer unha operación máxica (*sympathique*) pra que o meigallo viaje dar a outro lado, leva un mesmo o meigallo, ou a disgracia que sexa sobr'a pita. É un xeito de realización material do *cho en retour*. O curioso é como esta creencia responde ós principios das fontes eruditas. Pode sinalar tamén a orixe tradicional d'estas fontes.

ras sentados nas Grades tomando o sol, e n-esto pasou por arriba da casa do Xan unha rabañada de corvos, y-ali cerca estaba o fillo da Delores c'unha pulmonia. Entón dice o Xan:

— "E más morrelle o fillo da Delores.

— "Pero mira Xan, que non che pasou por arriba da casa da Delores, que che pasou por arriba da tua casa, e non che sei o que che irá pasar.

— "Pero s'eus non teño naide malo na miña casa.

— E cando pro outro dia caiulle a muller do Xan d'aquil corredor da Carracoba abaxo e matouse, y-o fillo da Delores, sanguille. Pero os corvos pasaron por arriba da casa do Xan e non pol-a casa da Delores."

N-iste mesmo pobo din os vellos que cando os gatos poñen as costas pr'o lume, qu'hai inverno pra moi tempo; e que cando s'ê lavan os gatos qu'hai visita cerca; e que cando alguha volvoretá anda orredor da luz do candil, que ven unha carta pol-o camiño.

Costumes

O Domingo de Ramos, despois da bendición, todos levan un ramo d'aquiles benditos pr'os eidos onde teñen sementado o pan.

O Domingo Corredoiro, todolos pais que teñen fillos que van á escola, danlle algúns diñeiro pra que ante todos merquen un galo e danlle ó escolante; pero primeiro fan un buraco na terra, e entéranno coa cabeza fora, e dispois tápanlle a cara ó rapaz que l'e vai dar co lareiro, dándolle tres voltas arredor ó rapaz, y-o que lle acerta ó galo é o que l'ho da ó mestre.

ELEUTER PÉREZ.

Trives.

=

Iste mesmo costume do galo pr'o escolante, coa cerimonia pr'escoller ó rapaz qu'o ha levar, haino en Allariz.

V. R.

OS HOMES, OS FEITOS, AS VERBAS

A Revolución Nacionalista, por João de Castro.

Eis unha brochura de divulgación política, primeiro d'unha Biblioteca d'aición nazonalista, que prepara outros do mesmo autore e mais de Sidonio Pais, Antonio Metello, Henrique Osorio de Castro, Oliveira Martins, etc. Iste libroño sen dubida han faguer moito pr'o erguemento do espírito portugués.

João de Castro enxerga n'esta obra o nazonalismo no sentido politeco únicamente. Pensa que a doença de Portugal non é unha doença d'outra orde mais que da orde de politeca, e as revoluciós que costantemente veñen eli unha atrás da outra, son pra il Índices da vitalidade do povo, e síntomas da clás de mal que o Portugal sofre no noso tempo. Pide, pois, unha revolución nazonalista, que opón a todal-as revoluciós actuaes.

O nazonalismo de João de Castro ven a ser unha superación a un tempo do Integralismo e do Sidonismo. Pra il, o Integralismo representa a reacción intelectual en senso nazonalista, e o ano de Sidonio Paes, a reacción espontánea e sentimental das enerxías nazonaes. A revolución nazonalista qu'il quer "não se dá apenas pelo ataque violento do poder constituido. Dá-se nos espíritos, dá-se na moral colectiva, dá-se em todas as forças que constituem a Nação, dá-se por ultimo, como consequencia lóxica, na política." E ha ser a revolución pra imprantar a Ditadura Nazonalista.

Compreta o libroño un *Programa Nacionalista*, no que se recollen as más assinadas arelas do noso tempo: Trasformación teínica do goberno, independencia do Poder xudicial, sindicalismo, autonomía municipal, descentralización, asistencia social, protección á familia, instrucción integral, etc.

O mais dino de nota n'este programa é o querer trasformar a representación nazonal en xeito de que non sexa unha asamblea politeca. Precisamente, o maior mal do parlamentarismo é o dar valor oficial ós partidos politicos, os sistemas de represión proporcional sendo ainda a base d'esas organizacións artificiais.

O libroño de João de Castro é ben recente de ser lido e estudiado ainda polos que non pensen coma il, pois poden atopar crara istrución en col do problema politeco das nazonalidades modernas, e moitas cousas novas qu'os xornaes, singularmente os hispanos ainda non enxergan.

•••

Helices, por Guillerme de Torre.

Na Hespaña, é Guillerme de Torre unha das primeiras cabezas do avangardismo, un nome que non somentes sonou na sua terra senón que firmou nas revistas de Paris, de Ginebra e d'outros lados, un dos escritores hispanos que romperon a muralla da China qu'isola á Hespaña, do mundo, e dos que qu'a romperon, non pra traguer d'afora novedades de matute, senón tamen pra sair pra fora, por qu'ademais é dos que s'estreyan a inventar novedades que non veñen d'afora. Por exemplo, inventou unha lingua pra todos, mais principalmente pra il, toda feita de cultismos, de verbas teénicas, de helenismos derivados por il, d'esdrúxulos, unha fala toda mineral e ferrallososa, sen zelme, que compre botarlle moito sebo pra que ande, que sempre qu'un lle toca está fria. E non houbo moda qu'il non seguira: poemas simultaneistas, futuristas, caligramas, haikais, o demo...

E mais o qu'a il lle leva os ais, é a vella grandilocuencia dos castelans do século d'ouro, anque il non-o queira confesar e

se cadra, tampouco crer. Todos ises esdrúxulos e ise aeroplano, rafaceísmo, e mais cousas qu'houberan feito reloucar a Don Manuel Josef Quintana, precursor nas suas odas á imprensa e mais á vacuna das esencias do marinettismo, non son mais que as novas formas dos finchados parafeos clásicos dos alcaldes de Zalamea, e das decramaciós das Cortes Constituientes. Non é que digamos estas cousas n-un senso piorativo.

Hélices recolle as diferentes trasformacións porque pasou Guillerme de Torre. Non imos nós asentir eiqui ó que din no prospeto, de que é unha cousa fora de todo o coñecido. *Hélices* non sorprende mais que a quen non está afieito a ler cousas d'estas. Mais Guillerme de Torre é sen dubida mais valente que ningun dos qu'escriben d'ise xeito, e dende logo é moito mais innovador que Einstein, sen paroxa. E ademais, de todos os da avangarda é o que ten mais entidade... Porque cecais sexi o mais sinceramente avangardista.



AS PUBLICACIÓIS DE CÉLTIGA

O vello mariñeiro toma o sol, por Eusebio Montes.

Son tres contos qu'iste noso colaborador —de cote chamado pola modernidade e polo exotismo— fixo d'unha sentada, nunhos días nos que se sintiu enxebre. O que é d'esta, mais se deixou levar de lembranzas cecais de cand'era neno que non dos libros que lê.

Os tres contos están moi ben, e son dos que han quedado antr'a nosa literatura moderna, singularmente o derradeiro, *Como na parábola de Peter Breughel*, conto tráxico de verdadeira emoción. Tamén a tenra hestoria titulada: *O niño da devesa* é cousa boa.

Istes tres contos teñen xeito, non son divertimentos d'ises que o Montes e outros fan pra se pôr a tono co-a moda, senon qu'están feitos con mentes de qué teñan dura, e terana.

No prólogo erudito que puxo diante d'estes contos de cegos o Montes, si qu'atopamos algúns trabucamentos. Nin a novelística pensamos qu'estea esborrallándose

—o século XIX foi ainda a pirmeira edade da novela, e a ela está debendo hoxe a sua boga a literatura rusa— nin os cegos do Castelao son cegos da picareza, nin o cego do violín representa somentes a epigramática churrusqueira, senón que é toda a tradição popular, épica e tráxica, cómica e goliardesca, sentimental e tenra, enmeigada d'encantamentos máxicos e de terrores da bruxería e do crime; nin o Castelao pintou somentes cegos de violín: lembrese *o cego da fiesta*; nin a paisaxe é precisamente a terra traballada pol-o home, pol-a contra, mais nos gusta unha paisaxe canto mais salvax*, canto n-ela mais ceibe s'amostra a natureza, senón non-los gustaría unha paisaxe, gustarianos un xardín.

Moi ben en troques o apuntamento de qu'os cegos perciben unha paisaxe non visual, mais cecais tan rica com'a que nós vemos.



A Santa Compañía, por Roberto Núñez Santos.

Din que n-iste volume de *Céltiga*, o ilustre médeco danos unha tripla visión da Santa Compañía. En realidade son duas, senón duas visións, duas interpretacións, porque a segunda e a terceira parte d'iste conto sen fabulación, poden ser moi ben, embora se non diga espricitamente, a cara e a cruz do mesmo fenómeno... En realidade tal é a interpretación vulgar esceptica. En troques, na pirmeira parte, hai unha interpretación psicolóxica, caxequé esotérica. Coidamos que si efectivamente o especre algunha vez declarase il mesmo a sua natureza, non iña imitarse moito ás interpretacións dos sabios. O Dr. Núñez Santos é dos que non queren agardar grandes sorpresas n-ise mundo que non é d'ss corpos, mundo que un século s'afanou a negar pra que no seguinte erguera de novo os seus medoñentos pantasmas... E mais así e todo amostrase ben preocupado por istes probremas, embora istes non teñan ni sua obra recente *Physis y Psyquis* a importancia que lle dan, non sendo n-ela mais que un punto incidental, anque ocupen un capítulo.

A Santa Compañía emporiso, non está na obría do Núñez Santos novelada, senón somentes literariamente presentada.

REVISTAS

Rexurdimento, Febreiro.

Os nazonalistas, según socialistas e comunistas. — *Como a fontana crara*, por Maximo Ramos. — *Caciquismo*, por Castelao. — *Do progreso galego e da grande urbe*, por A. Bermúdez Peña. — *Galiza e os partidos polítecos hespanoës*, por Vicente Risco. — *A Patria*, por Victoriano Taibo. — *Os novos valores*, por V. Paz Andrade. — *Orxia corselan*, por Ramón Cabanillas. — *Sección Oficial*. — *Movimento Nazonalista*. — *O probremo do galego*, por Miguel Gil Casares, E. Castiñeiras Diaz, Lois Porteiro, M. Piñeiro e A. Villar Ponte.

•
A Nosa Terra, 15 Marzo 1923.

Dina de toda loubanza, a confrencia de Don Anxel do Castillo na Irmandade da Fala da Cruña, titulada: *A importancia da nosa riqueza monumental*. Non ven mais qu'o prólogo, mais n'il atopamos atinadissimas observaciós en col do disprecio que se fai dos traballos e merecementos dos galegos qu'estudan pr'escrever o pasado da nosa terra, trabalho pr'o que o Estado comisiona a alleos. "O que non pode consentirse —di o ilustre Delegado Regio de Belas Artes da Cruña— é que o Estado, que tiraniza as persoalidades históricas da peninsua, mande certas embaixadas a estudial-as nosas cousas, sempre con medios sobradados que nunca encontramos os naturales, pra que logo se poda decir ferindonos, que gracias aos alleos conocemolos noso país..." xentes que "o mais que poden facer é recoller a bibliografía galega pra servirse, as más das veces, de aquiles datos que podan xustifical-os prexuicios formados onde non se nos conoce e mal se nos xusga". Cita logo o caso ingustificabel de Cristóbal de Castro, a quien fixeno catalogador dos moimentos da provincia d'Ourense, e outros dos Sres. Gómez Moreno, Lampérez, Lafuente, Obermaier e outros que unhas veces cometeron enormes trabucamentos falando de Galiza, e outras non fixeron mais que aproveitarse dos traballos publicados ou inéditos dos investigadores galegos.

Trai tamén: *Honrando aos nosos mortos*.

Un retrato de Murguia. Galicia diante dos mártires de Sobredo, por Ramón Cabanillas. *Escola dramática galega. Lecturas. Resumo de Historia de Galicia*.



Contemporânea, Lisboa.

Recibimolos numeros derradeiros d'esta xurdida revista lisboeta, da que xa temos filiado. Publicación de verdadeiro luxo, tirada a varias tintas, con cousas de Almada, Barradas (o portugués), Vasquez Diaz, Diego de Macedo, etc., etc., e orixinás literarios de Fernando Pessoa, Antonio Botto, Antonio Sardinha, Correia d'Oliveira, Eugenio de Castro, Aquilino Ribeiro, etc. etc. A tendencia é tamen avangardista, e ainda universalista. Fai campaña e trai colaboración hespanola. No numero 4 di: "Oican —não é preciso aplicar muito o ouvido para ouvir— é voz corrente que estamos vendidos a Espanha Vieram do Porto e de Coimbra amigos nossos pedindo pra modificar esta attitude". Se cadra por iso foi que no mesmo numero traia o artigo de Martinho Nobre de Mello: *As relações luso-hespanholas*, que principia dicindo: "A mentira ibérica está desfeita", que contradiz a outro en col do mesmo tema do Sr. A. Sardinha, n-un dos primeiros números, e que xa comentamos coma merecia, embora fose en pouquísimas verbas.



A Aguia, Porto, Xaneiro, 1923.

Outra cousa é a nosa vella amiga. Iste numero trai *Misterio*, por Leonardo Coimbra. — *A morte consoladora*, por Raul Brandão. — *Tragedia da Fidalga triste*, por Alberto Pimentel. — *Einstein e a Evolução orgânica*, por A. A. Mendes Correa. — *Defeminismo e Previsão do sexo*, por Claudio Basto. — *O Hino de S. Francisco de Assis*, por Luis Cardim. — *Espectro*, por Teixeira de Pascoaes. — *Quando rompe a manhã*, por Domingos Monteiro. — *Retrato*, por António Carneiro. — *Bibliografia*.



Nação Portuguesa, Lisboa, Janeiro 1923.

Revista de Cultura Nacionalista dos integralistas lusitanos que dirixe o emi-

nente escritor Antonio Sardinha, e onde colaboran as mais prestixiosas figuras do Integralismo. N-iste boletín tratanse d'un xeito fundamental de maisima seriedade científica e outo criterio moderno os probremas vitaes da Nación Portuguesa. Iste numaro trai:

Uma doutrina de economía agraria, por José Pequito Rebolo. *A lingua portuguesa e o canto*, por D. Ema Bantos-Fonseca. *Teoria do Municipio*, por Antonio Sardinha. *Gotas de Tinta*, por Ivo Cruz. *Politica religiosa*, por Francisco Veloso. *Na varanda de Pilatos*, por Afonso Lucas. *Revista científica*, por Rui de Sá Carneiro. *Das ideas, das almas e dos factos*.



Porto Académico.

O numaro 11 trai orixinás de L. Woodhouse, Alma Rubens, Santos Mota, Luiz de Pina, etc., etc.



Unión Ibero-Americana, Febrero 1923.

Antr'outras cousas de moito intrés trai un traballo en lembranza do noso insine hestoriador D. Manoel Murguía, no qu'estuda a sua sinificación d'escriptor románteco, de hestoriador, e de precursor do movemento galeguista, estudo que proba un fondo coñecimento do home, da obra e da época na que o Patriarca desenvolveu o mais do seu esforzo.

Recollemos con ledicia iste homenaxe ó noso devanceiro e mestre.



Revista de Casa América-Galicia. Cruña.

A preciosa revista a que tanto amor dedica o notabre poeta Julio J. Casal, é a mellor revista en castelán que se publica en Galiza. Non é escrusivamente galego-americana, coma o seu título poidera facer pensar, senón que recolle a colaboración de Madri, principalmente dos escritores e artistas de avangarda (Barradas, Gómez de la Serna, Guillermo de Torre), ou dos que teñen certa debilidade pol-o avanguardismo, coma Eugenio d'Ors. Dos artistas galegos, colaboran n-istes numaros de radeiros —xaneiro, febreiro e marzo— Abelenda, Cebreiro, Huici, e dos escritores, Fernández Mato, Eladio Rodríguez González, V. Risco, Francisco Luis Bernárdez, Euxenio Montes e outros. O fato primitivo da revista *Vida* atopase d'iste xeito ampriado, ate costituir unha publicación un pouco universalista.



El Ebro, Marzo, 1923.

Aragón Estado, por Julio Calvo Alfaro. *Mancomunidad aragonesa*, por Gaspar Torrente. *Por los riegos del Alto Aragón. Aragón y el descubrimiento de América. El posterior credo*, por Antonio F. Escobes.



Patria Nova, setmanari valencianista, Valencia.



Entra na sua segunda época. Colaboran V. Tomás i Martí, D. Martínez Fernando, etc.



AS FONTES PR'A HESTOREA ANTIGA DE GALIZA

PRIMEIRA PARTE

AUTORES CLÁSICOS

PRÓLOGO

Hoxe comenza NOS un traballo fundamental e necesario: a pubricación integral das FONTES DA HESTOREA DE GALIZA, esperada por todolos que se setresan pol-o coñecimento serio do noso pasado. E un traballo preliminar loxicamente pra calquera investigación da primeira era dos tempos hestóricos. «La véritable methode consiste a travailler sur les textes, a se former un jugement personnel avant même d'ouvrir un livre de seconde main» di Salomón Reinach. Unha vez afeito o público letrado ó trato dreito cos esquirtores antigos xuzgará con coñecimento de causa das variadas interpretacions que se lle poidan dare, e non serán posibres fantesias e lucubracciós pseudocientíficas que con grande aparato de citas traspostas teñen feito tanto mal nos estudos hestóricos. Poderase decir que todolos testos d'autores clásicos están xa publicados, estudiados, comparados, sabiamente anotados e que xa teñen dado de sí toda a sustancia hestórica que conteñen; mais abondará lembrarse pra xustificar a nosa empresa, de qu'ises testos atopanse en pubricaciós pouco abertas ainda o pú-

brico letrado, n-as que as noticias, moitas veces vagas e incertas en col de Galiza, andan misturadas coas d'outras terras e xentes. A nosa obra ha ser honrada e sínxela: ós testos limpamente dados, fará compaña unha glosa precisa, unha interpretación qu'amostra o certo coma certo, o duvidoso coma duvidoso. Cos autores formaremos tres series: xeógrafos, hestoriadores e literatos non contidos compretemente dentro das duas primeiras categorías; e dentro de cada unha seguiremos un orde cronolóxico, dando de cada autor o testo a dobre coluna en latin e galego, inda pr'os autores gregos pra apartar o leitor da dificultade do idioma. Paralelamente iremos forinando un catálogo de castros e outros avances pra pubricación das fontes monumentaes da nosa antiga hestoria, as que compretarán as fontes documentaes. O noso traballo homilde e necesario vai adicado a todolos amantes da nosa terra, e daremosnos por satisfeitos si contribuimos a facer ver na sua verdadeira luz os homes e as cousas da antiga Galiza.

I. OS XEÓGRAFOS

RUFO FESTO AVIENO⁽¹⁾
ORA MARITIMA

NOTICIA

Rufo Festo Avieno viveu a derradeiros do século IV da nosa era, no tempo do emperador Teodosio. Foi procónsul d'Africa por duas veces, nos anos 366 e 367. Non se sabe onde naceu: hainos que din que foi en Volsinio, na Etruria, mais outros pensan que foi hespánio. O Cronista d'Ourense Don Benito Fernández Alonso, no seu libro ORENsanos ILUSTRES, recolleu as opiniós de Vivar (*in Maximum*) e de Huerta (*Anales de Galicia*) que sostéñen que foi galego, e qu'o seu *cognomen*, Avieno, derivase do nome do río Ayia e cita pr'apoyar esta opinión outros varios persoaxes de nome *Rufo* en moitas partes de Hespaña e catro en Galiza, outro *Festo* hespánio, de Zaragoza, e mais outro Avieno galego, de Zoela nos Grovios.

Tampouco se sabe si Rufo Festo Avieno era ou non cristiano.

Escríbeu Avieno dous poemas xeográficos: DESCRIPTIO ORBIS TERRÆ, tamen chamado DE SITU ORBIS, e ORA MARÍTIMA, que é o qu'eiquí nos intresa.

O que lle dá a importancia que ten a ORA MARÍTIMA —que é un dos libros mais comentados e mais discutidos dos que nos deixou a antigüidade— é que n'il utilizou Avieno moitas fontes antigas, dos séculos VI e V enantes de X. C. principalmente un vello Periplo do VI. Iste Periplo, asegún a opinión mais xeneralizada, había ser cartaxinés, probabemente o de Himilcon, a quen se cita no poema, mencionando os Anales púnicos en que se fala dos viaxes d'aquil almirante pol-as costas oucidentaes da

Europa, viaxe realizado no século VI enantes de X. C. A opinión de qu'era un Periplo púnico sostívooa Mullenhoft en DEUTSCHE ALTERTUMSKUNDE, I (Berlín, 1890) e na Hespaña por Blazquez (EL PERIPLO DE HIMILCO, *Bol. de la Real Sociedad Geográfica*). Mais Avieno emprega nomes xeográficos gregos, ou empregados pol-os gregos, coma son os de Ophiusa, Achale, do que deduce que non debreu coñecel-o Periplo de Himilcon no orixinal, senon n-unha tradución. Marx na REAL ENCYCLOPADIE de Pauly-Wisowa e mais en RHEINISCHE MUSEUM, I, e Schulten no artigo *Hispania* da REAL ENCYCLOPADIE DER CLASSISCHEN ALTERTUMWISSENCHAFT, din qu'o testo d'Avieno está tomado d'un Periplo grego massaliota do século V e non d'un Periplo púnico. Hoxe vólvese á data antiga do século VI, mais pénse que o principal é d'unha fonte grega. (Schulten, nas adicíos á edición hespánola da HISPANIA, Barcelona, 1920).

Moitos mais probremas nos pon diante o estudo interno do poema d'Avieno, sobre todo no tocantes á descripción das ribeiras atlánticas, da *Oestrimnis* e a *Ophiusa* e dos seus accidentes xeográficos, sendo na localización d'istes lugares, radicalmente dispares as opiniós dos sabios. É que n'esta parte, a descripción non leva orde, senon que se creba o fio, e principia por outro lado, e induce co-a sua escuridáde ós meirandes trabucamentos. Esto fai que supoñan qu'eiquí o poema non está completo, coma pensa o citado Mullenhoft, e qu'en xeneral, o ORA MARÍTIMA non chegou a nós tal e coma saíu das maus do autor.

Citaremos eiquí as opiniós principás antr'as dos moitos intérpretes do testo do ORA MARÍTIMA.

(1) Damos pirmeiro de todos iste autor, ainda sendo do século VI da nosa Era, porque contén a fonte mais antiga—do século VI enantes X. C.—que hai encol da nosa Terra.

I. A opinión cáxeque unánime no fundamental dos hestoriadores galegos —Rodríguez de Núvoa, Huerta, o P. Sotelo, o P. Sarmento, Riobó, Cornide, Martínez Padín, Murguía, García de la Riega— tran a *Œstrimnis* á nosa Terra, supondo qu'o cabo *Œstrimnico* é o Fisterre, e as illas *Œstrimnides*, despois chamadas *Cassiterides*, son as da nosa costa oucidental, ond'os antigos pobos navegantes virían recollel-o estano que se sacaba das nosas minas, ou cecais, coma di o derradeiro autor citado, as penínsulas comprendidas antr'as nosas rias.

Esta mesma opinión sosteñen outros moitos hestoriadores hespañoles, e portugueses, coma Florián do Campo, Morales, Mariana, o P. Piñedo, Contador de Argote, os PP. Mohedanos, o P. Rioseco, etc., etc.

II. Outra opinión moi xeneralizada, que cuasementes é a que combate Cornide no seu traballo en col das Cassiterides, e defendida por Cambden, Borrasse, Forster, Malte-Brun e outros, leva a *Œstrimnis* ó Sul da Gran Bretaña, á parte do Cornwall, sendo as illas *Œstrimnides* as Scilly.

Con esta opinión pódense relacionar as de Mullenhof e de Martins Sarmento. O pirmeiro é un dos comentadores clásicos da ORA MARÍTIMA, e leva o cabo *Œstrimnico* ó Cornwall e o Sinus *Œstrimnicus* ó mar da Mancha, na sua citada obra. O ilustre arqueólogo portugués publicou un libro en col do poema d'Avieno (ORA MARÍTIMA, Porto, 1896) no que pon a *Ophiusa* nas costas da Cantabria, Galiza e Portugal ate o Sado, e o *OEstrimnis* co-as suas illas, no


Norte de Francia e Sul da Gran Bretaña, sendo o cabo *Œstrimnico* un do departamento francés do Fisterre.

III. O eminente polígrafo aragonés Joaquín Costa, nos seus ESTUDIOS IBÉRICOS, fai unha curiosa identificación da *Ophiusa* co-a costa ibérica do Mediterráneo, dicindo que é o mesmo país coñecido mas adiante co nome de *Edetania*. Mencionamos esta opinión, aguda, pro inverosímil, por ser das que mais arredadas están das sostidas correntemente no mundo culto.

IV. Don Antonio Blázquez, no estudo qu'ementes citamos, publicado no Boletín da Real Sociedade Xeográfica, asegura, fundándose principalmente no cómputo das medidas itinerarias e dos días de navegación, que Himilcon non pasou, no seu viaxe pol-as costas atlánticas, mais ó Norte do cabo San Vicente, ó que reduce o cabo *Œstrimnico*, sendo as ribeiras do Seo Atlántico que describe, as comprendidas antr'o cabo de San Vicente e as Columnas d'Ércoles.

V. A opinión mais autorizada nos nosos días, identifica a *Ophiusa* —país qu'ementes ocuparan os *Œstrimnios*, coma se saca do testo mesmo do poema— co-a costa oucidental da Península Ibérica, dend'o cabo San Vicente ou dend'o Roca, ate o Ortegal.

Schulten en HISPANIA, e Bosch Gimpera en LOS CELTAS Y LA CIVILIZACIÓN CÉLTICA EN LA PENÍNSULA IBÉRICA, sosteñen esta derradeira opinión, que ha ser a que guíe as anotaciós que nós fagamos ó testo d'Avieno.



ORA MARITIMA

- 80 Terraे patentis orbis effuse jacet,
Orbique rursus unda circumfunditur.
Sed qua profundum semet insinuat salun
Oceano ab usque, ut gurges hic nostri maris
Longe explicetur, est Atlanticus sinus.
- 85 Hic Gaddir urbs est, dicta Tartessus prius:
Hic sunt columnae pertinacis Herculis,
Abyla atque Calpe: Laeva dictis cespitis,
Libyae propinqua est alia duro perstrepunt
Septemtrione, sed loco certae tenent.
- 90 Et prominentis hic jugi surgit caput
(OEstrymnin istud dixit aevum antiquius).
Molesque celsa saxei fastigii
Tota in tepentem maxime vergit Notum:
Sub hujus autem prominentis vertice
- 95 Sinus dehiscit incolis striŒmnicus,
In quo insulae sese exserunt OEstrymnides
Laxe jacentes, et metalle divites
Stanniatque plumbi: multa vis hic gentis est.
Superbus animus, efficax solertia,
- 100 Negotianti cura jugis omnibus:
Notisque cymbis turbidum late fretum.
Et belluosii gurgitem Oceani secant.
Non hi carinas quippe pinu texere.
Acereve norunt: non abierte, ut usus est,
- 105 Curvant faselos: sed rei ad miraculum,
Navigia junctis semper aptant pellibus,
Corioque vastum saepe percurrunt salum.

(1) OESTRIMNIUM.— Iste foi o que os historiadores galegos atribuiron ó cabo Fisterre. Si o país chamado Oestrimnis é o mesmo que depois se chamou Ophiusa, coma se deduz do contexto do poema (versos 154 e 155) teríamos que dar esta atribucion coma ben feita.

(2) SINUS OESTRIMNICUS.— As atribuciós mais correntes son: o Cansal da Mancha, o Golfo de Gascuña, o entrante da costa galega antr'os cabos Fisterre e Silleiro. Si as Illas Oestrimnicas metalle divites stanni atque plumbi, versos 97 e

A redondez da terra amótrase ampiamente tendida e o seu orbe é rodeado polas ondas. Mais o Seo Atlántico atópase pol-a parte na que o salgado Océano misterioso métese en si mesmo pra lonxe desenvolver os abismos do noso mar.

Eiqui está a cibdade de Gadir, chamada pirmeiro Tartéssos; eiqui están Abyla e Calpe, as Colunas do tenaz Ercole: a esquerda das ditas está perto da terra da Libya, as duas desafian ó riguroso Septemtrion, mais manteñen certamente o seu lugar.

E a cabeza d'unha serra xurde eiqui prominente (dita OEstrimnín (1) no tempo antigo) e o outo mownton de penedos en punta por compreto mira car'o tépedo Noto: pois baixo iste prominente cume, ábrese o Seo OEstrimnico (2) no que os habitantes ven as illas OEstrimnicas, (3) ampiamente tendidas e ricas dos metaes estano e promo: esta é xente baruda. De soberbo ánemo, de eficaz maña todos ocupados do coidado dos negocios; e as suas barcas coñecen estensamente os axitados estreitos e cortan as augas do Océano cheo de monstros. Iste non fan as barcas de piñeiro nin coñecen o acebo, nin como é costume curvan de abeto as barcas, senon que, cousa admirabre, fan as naos con peles xuntas (4) e nos coiros percorren amiudo o vasto mar.

98- fosen as mesmas Cassitérides, teríamos que nos decidir por esta derradeira atribución.

(3) INSULAE OESTRIMNIDES.— Os historiadores galegos, sinaladamente Cornide n-un eruditio traballo que citamos no estudo prelimiar, din que son as mesmas Cassitérides, pol-o qu'o poema dí da sue riqueza en estano e plomo. Do plomo en Galiza fala Xustino XLIV, 3, 4.

(4) NAVIGIA... PELLIBUS CORIOQUE.— AS embarcaciós de coiro dos antigos galegos, refírese Strabon, lib. III, cap. III,7.

XASTRERÍA
Freire Huici & C.ª
(S. en C.)

REAL, 7 E 9, 1.º A CRUÑA

BANCO DE VIGO

FUNDADO EN 1900

CASA CENTRAL, VIGO.—Sucursais e axencias en Ourense, Pontevedra, Santiago, Villagarcía, Meis, Moya, Baros de Valdeorras, Carballedo, Celanova, Chantada, La Estrada, Marín, Ribadavia, Verín.

Tén Axentes e Corresponsaes no Reino yo Extranxeiro, especialmente nas Américas.

Realiza toda cras d'operaciós de Banca e Bolsa en xeneral. Ademite contas correntes e depósitos polos que abona os intreses siguientes:

Contas correntes a vista.	2 %	Depósitos a 6 meses prazo . . .	3 1/2 %
Depósitos a 1 mes prazo. . .	2 1/2 %	a 12 . . .	4 %
> a 3 . . .	3 %	En caixa de aforros deica 10.000 pts.	3 1/2 %

AGRICULTORES

ESTERCADE CON

NITRATO
DE CHILE

AXENCIA REXIONAL EN VIGO:

Ernesto Cádiz Vargas
Avenida Montero Ríos, 14

DELEGACIÓN EN MADRID:

Juan Gavilán
Almirante, 19

ARTURO NOGUEROL
ABOGADO

P. Feixón, 12

APARATOS Y DISCOS
« GRAMOPHONE »

RELOXERÍA
MIGUEL CALVIÑO

OURENSE

OURENSE

Merquen: PLUMEIROS DE RAFIA "PERILLE,"
OS DE MAIS DURA, OS QUB MILLOR LIMPAM,
OS MAIS ECONÓMICOS

GUIA PROFESIONAL

LUIS GALLEGO

PROCURADOR

Luis Espada
Ourense.

Ramón Varela

ABOGADO

Luis Espada
Ourense

Aurelio A. Belvís

MÉDECO

Progreso
Ourense

OSORIO

ABOGADO

Luis Espada
Ourense

ADOLFO ESPINO

ABOGADO

Vigo

José Sabucedo

ABOGADO

Progreso
Ourense

Francisco J. Ríosgro

MÉDECO

Luis Espada
Ourense

AGUAS MINERO-MEDICINALES

BICARBONATADO-SÓDICAS

MONDARIZ



1000
F. ROMÁN E SACO

DROGUERIA

E FARMACIA

PEREIRA, 19.

TELÉFONO, 28.

OURENSE

Disponible

RIO MIÑO Rei dos Viños Galegos

ESPORTACIONES A TODAS PARTES DO MUNDO

Uzal, Compañía Limitada

VIGO